



PRIVREDNA/GOSPODARSKA KOMORA
FEDERACIJE BOSNE I HERCEGOVINE

Glasnik

Broj 141,142 juni/lipanj - juli/srpanj 2015. Godina XV

ISSN 1840-0310




*Potpisan Ugovor o saradnji Udruženja
Biznis Centar Jelah-Tešanj i P/G KFBiH*

Sajam ENERGA 2015.

Posjeta općini Kreševo





**PRIVREDNA/GOSPODARSKA KOMORA
FEDERACIJE BOSNE I HERCEGOVINE**

CHAMBER OF ECONOMY OF THE FEDERATION OF BOSNIA AND HERZEGOVINA

I M P R E S U M

Glasnik
Privredne/Gospodarske komore
Federacije Bosne i Hercegovine
Godina XV
juni/lipanj-juli/srpanj 2015.

GLASNIK uređuje
Redakcijski kolegij:
Enisa Kadić,
Ahmed Gazija,
Almin Mališević,
Amela Kečo,
Emir Pašić,
Lejla Sadiković,
Meliha Velić,
Željana Bevanda,
Frano Čuvalo,
Ivica Barbarić,
Karolina Marušić

Adresa:
Privredna/Gospodarska komora FBiH
za Glasnik –
Branislava Đurđeva 10/IV
71000 Sarajevo
Kontakt: glasnik@kfbih.com
Telefoni: 033 566 300, 217 782
Fax: 033 217 783
www.kfbih.com

Priprema i izdaje:
Privredna/Gospodarska komora FBiH

Cijenjeni privrednici i poslovni partneri,

Period juni-juli su obilježile brojne aktivnosti u Privrednoj /Gospodarskoj komori F BiH, što vam prezentiramo u izdanju e-Glasnik-a, koji je pred vama.

Potpisan je, kao što ćete vidjeti, Ugovor o poslovno-tehničkoj saradnji Udruženja privrednika Biznis centar Jelah –Tešanj i Privredne/Gospodarske komore Federacije BiH, te Memorandum o saradnji između P/G K FBiH i Asocijacije za inicijative i razvoj (AIR/AID)

Predstavnici BH privrede učestvovali su na Ekonomskom forumu Jugoistočne Europe održanom u Sofiji- Bugarska Poljski privrednici zainteresirani za investiranje u Bosnu i Hercegovinu, s namjerom da izgrade fabriku za proizvodnju ferosilicija.

Donosimo vam interesantne detalje sa petog Međunarodnog sajma energetike Energa 2015.

Stalna rubrika Glasnika - novosti iz Evropskog zakonodavstva u ovom broju je posvećena stupanju na snagu Sporazuma o stabilizaciji i pridruživanju između BiH i EU

Gost Glasnika je gosp. Emir Čolić, vlasnik i director kompanije Saraj komerc d.o.o. Gornji Vakuf –Uskoplje, čije razmišljanje i poslovna filozofija svakako zaslužuju vašu pažnju.

Želimo posebno istaći, da smo primili puno vaših pozitivnih komentara i čestitiki za prethodna izdanja časopisa. Zahvaljujemo se svima, a nastaviti ćemo se truditi da i u narednom periodu opravdamo stečeno povjerenje. Stoga se iskreno nadamo, da ćete i u svim budućim izdanjima pronaći za vas neke korisne informacije.

Na stranicama koje slijede dajemo i druge sadržaje koji, vjerujemo, zaslužuju vašu pažnju..

Hvala vam na ukazanom povjerenju i saradnji.

Predstavници Privredne komore posjetili Općinu Kreševo

Općina Kreševo spada u red privredno razvijenijih općina u Bosni i Hercegovini i to je mjesto ugodnog življenja, mjesto u kojem se znanje, poduzetništvo rad i rezultati prepoznaju i cijene.



Potpredsjednik Privredne/Gospodarske komore Federacije BiH, Mirsad Jašarspahić sa svojim saradnicima je na poziv načelnika, Radoja Vidovića, 09.06.2015.godine posjetio općinu Kreševo. Tom prilikom čelnici općine predstavili su svoje razvojne mogućnosti i potencijale, te pozvali predstavnike Komore da kroz komorski sistem pomognu u daljem razvoju kreševskog gospodarstva, kao i privlačenju investicija u ovu industrijski razvijenu općinu. Predstavници Komore su upoznali domaćine sa komorskim aktivnostima i planovima koji će se realizirati u narednom periodu, a koji se prevashodno ogledaju u boljem povezivanju sa domaćim i stranim investitorima i poslovnim partnerima. Ukazano je i da postoji problem

nedovoljnog protoka informacija o industrijskim zonama i privrednim subjektima, što često potencijalne investitore i poslovne partnere ne dovodi na pravo mjesto. Predstavници općine poseban akcenat su stavili na poslovnu zonu Resnik, koja bi u narednom periodu trebala biti okosnica privrednog razvoja općine Kreševo jer je od koridora Vc udaljena svega 4 km. Zaključeno je da u narednom periodu saradnju treba intenzivirati, tako što bi se u zajedničke aktivnosti Komore i općine trebali uključiti privrednici koji su najzaslužniji za privredni razvoj ovog kraja. Posjeta je završena obilaskom poslovne zone Resnik.

Almin Mališević, dipl.ing.maš.



PREDNOSTI INVESTIRANJA U OPĆINU KREŠEVO

Opredjeljenost čelnika općine Kreševo za stvaranjem što boljih uslova za investitore je vidljiva na svakom dijelu općine, a među glavnim razlozima za investiranje našli su se: dobar geoprometni položaj općine; učinkovita i susretljiva administracija koja investitorima omogućava brzo i jednostavno izdavanje potrebne dokumentacije; povoljne općinske naknade i dobri uslovi poslovanja; prirodni resursi; lak pristup međunarodnom tržištu; visoko kvalificirana radna snaga; savremena infrastrukturna mreža; izjednačena prava stranih i domaćih ulagača; stabilna valuta i mnogi drugi razlozi. Sve ukazuje na to da se u BiH isplati investirati, a aktivnosti koje provode lokalne zajednice u cilju obezbjeđenja što boljih uslova za investitore već su dovele do povećane zainteresovanosti kako domaćih tako i stranih investitora.

Privredna komora FBiH u ulozi “one stop shop” modula i integratora za investitore

Poljski privrednici zainteresirani za investiranje u Bosnu i Hercegovinu

RE ALLOYS Sp.z.o.o. iz Poljske je renomirana kompanija koja se bavi proizvodnjom ferolegura uz pomoć inovativne i ekološki prihvatljive tehnologije. Raspolaze visoko kvalitetnim stručnjacima i menadžerima koji svojim znanjima i iskustvom pokrivaju proizvodni proces ferolegura.

Posljednjih godina ova kompanija bilježi veliku ekspanziju u svom razvoju.

Posebno su specijalizirani za proizvodnju legura na bazi silicija, magnezija i kalcija koje se koriste u ljevaonica ili željezarama kod proizvodnje modularnog ljevanog željeza u procesu obogaćivanja specijalnih čelika.

Velika ekspanzija ove kompanije posljednjih godina je fokusirana i na države nastale disolucijom bivše SFRJ, među kojima Bosna i Hercegovina zauzima značajno mjesto.

Predstavnici ove kompanije su zvaničnicima Privredne/Gospodarske komore F BiH iskazali spremnost za izgradnju fabrike u Bosni i Hercegovini sa posebni akcentom na područje općine Gornji Vakuf, zbog blizine kopa kvarcita Smrčevica i jednostavnije eksploatacije ove rude koja se koristi u proizvodnji ferosilicija.

Ova kompanija je u svom planu za investiranje u BiH definisala nekoliko ključnih pitanja od čije prihvatljivosti zavisi i konačna odluka za otvaranje proizvodnih kapaciteta u našoj zemlji.

Obzirom da se radi o planiranim kapacitetima koji su veliki potrošači električne energije, na inicijativu potpred-

RE ALLOYS
Renewable Energy Alloys



*Površinski kop “Smrčevica”
(foto: Gornjivakuf-uskoplje.ba)*

sjednika P/G K FBiH Mirsada Jašarspahića, 01. 07. 2015. godine upriličen je sastanak sa izvršnim direktorima za distribuciju i snabdijevanje Elektroprivrede BiH, u cilju povezivanja ovog potencijalnog investitora sa Elektroprivredom BiH, odnosno, određivanja preliminarnih cijena za predkalkulaciju radi prpvjere opravdanosti investicije. Nakon sastanka u Elektroprivredi poljski investitor je sa potpredsjednikom Komore gosp. Jašarspahićem posjetio općinu Gornji Vakuf – Uskoplje, kojom prilikom je općinsko rukovodstvo detaljno upoznato sa planovima ove kompanije i jasnim opredjeljenjem da investiraju upravo na području ove općine.

Općina Gornji Vakuf - Uskoplje je ponudila prostor u okviru industrijske zone i izrazila spremnost da u svim narednim aktivnostima pruži podršku investitoru u realizaciji plana izgradnje fabrike.

Nakon posjete općini, delegacija Komore, općine i poljske kompanije je posjetila kop Smrčevica gdje su uzeti uzorci kvarcita radi utvrđivanja njegove kvalitete u odgovarajućim laboratorijama.

U narednom periodu planirano je intenziviranje kontakata na relaciji investitor - Elektroprivreda BiH - resorno ministarstvo - lokalna zajednica - Geološki zavod F BiH, koje će Privredna komora F BiH u ulozi “one stop shop” modula i integratora za investitore propratiti i koordinirati .



Amela Kečo, dipl.prav.



PRIVREDNA/GOSPODARSKA KOMORA
FEDERACIJE BOSNE I HERCEGOVINE
CHAMBER OF ECONOMY OF THE FEDERATION OF BOSNIA AND HERZEGOVINA



Potpisan ugovor o poslovno tehničkoj saradnji Udruženja privrednika Biznis centar Jelah –Tešanj i Privredne/gospodarske komore Federacije BiH

U Tešnju je 07.jula 2015.godine upriličeno potpisivanje Ugovora o poslovno-tehničkoj saradnji između Privredne/Gospodarske komore FBiH i Udruženja/Udruge privrednika "Biznis centar" Jelah-Tešanj.



Potpisivanju ovog ugovora pristupilo se na osnovi zajednički izraženog interesa i spremnosti da svojim aktivnostima u okviru zakonskih nadležnosti, Privredna komora F BiH i Udruženje privrednika Biznis centar, doprinesu stvaranju i poboljšanju poslovnog ambijenta kao i unapređenju međusobne saradnje na području Federacije BiH i Bosne i Hercegovine.

Predmetnim ugovorom je predviđeno da će Udruženje privrednika Biznis centar Jelah/Tešanj, u saradnji sa Privrednom/Gospodarskom komorom Federacije Bosne i Hercegovine, a u skladu sa svojim zakonskim nadležnostima na osnovu odluka svojih organa, obavljati poslove na izradi zajedničkih projekata kod međunarodnih i domaćih organizacija, informisati nadležne organe Privredne/Gospodarske komore Federacije BiH o rezultatima i teškoćama u poslovanju članica kako bi se te informacije koristile za predlaganje propisa i mjera od interesa za čla-

nice, predstavljati i zastupati interese članica u organima i tijelima Privredne/Gospodarske komore Federacije BiH, učestvovati u zajedničkim delegacijama prilikom posjeta sličnim organizacijama u zemlji i inostranstvu, zajednički organizirati i nastupanje na privrednim i sajamskim manifestacijama, učestvovati u izdavačko-informativnim aktivnostima, pratiti propise i mjere na nivou Federacije BiH koje se odnose na poboljšanje uslova privređivanje, izvozno-uvoznu politiku i dr., organizirati edukacije u skladu sa utvrđenim interesom, razmotriti mogućnost učlanjenja članica Udruženja u Privrednu/Gospodarsku komoru Federacije BiH.

Privredna/Gospodarska komora Federacije BiH u cilju realizacije ugovora će: informisati Udruženje o aktivnostima, prijedlozima i mjerama koje se preduzimaju na nivou Federacije Bosne i Hercegovine, a koje se neposredno odražavaju na poslovanje članica Udruženja. Sem toga,



ona će dostavljati relevantne informacije o onim aktivnostima koje se na bilo koji način mogu naći u domenu interesovanja Udruženja i/ili članica Udruženja, cijeniti i uvažavati pojedina mišljenja, prijedloge, sugestije i zaključke organa Udruženja, podržavati Udruženje u aktivnostima kod domaćih i međunarodnih vladinih i nevladinih organizacija u stvaranju povoljnijeg ambijenta za razvoj privrede i uvjeta za kvalitetnije privređivanje. Komora će, također, kod međunarodnih organizacija (vladinih i nevladinih) sugerisati saradnju sa Udruženjem, prisustvovati skupovima i manifestacijama organizovanim od strane Udruženja, tražiti od Udruženja određene podatke od zajedničkog interesa vodeći pri tom računa o vremenu potrebnom za prikupljanje istih, aktivno učestvovati



na edukativnim skupovima koji se organizuju od strane Udruženja za njihove članice i druge privredne subjekte na osnovu iskazanog interesa, te podržavati Udruženje u realizaciji ovog Ugovora u svim njegovim segmentima. Predsjednik Udruženja/Udruge privrednika "Biznis centar" Jelah – Tešanj je istakao da je potpisivanje Sporazuma uslijedilo kao dio planskih aktivnosti utvrđenih krajem aprila tekuće godine. "Između ostalog dat je zadatak za 2015.godinu da se intezivira saradnja sa međunarodnim i domaćim organizacijama. Jedna od tih je i Privredna komora FBiH. Moram vam reći da je ovo plod i nekih

dosadašnjih aktivnosti na saradnji sa Privrednom komorom FBiH kroz Federalno Udruženje poslodavaca. Predstavnici Privredne komore FBiH, gospoda Marko Šantić i Mirsad Jašarspahić, su prisustvovali Sajmu privrede organiziranom maja 2015. u Tešnju, kojom prilikom su stekli pozitivne utiske o ovoj manifestaciji. Naravno, saradivali smo i prilikom davanja podrške reformskom paketu o kojem se u zadnje vrijeme intezivno priča."

Između ostalog je predsjednik Udruženja/Udruge privrednika "Biznis centar" Jelah Tešanj naglasio, da su "čelni ljudi Privredne komore FBiH obećali finansijsku i kadrovsku pomoć prilikom organizacije 12. Sajma privrede Tešanj 2016.godine".

Prema riječima Marka Šantića, predsjednika Privredne/Gospodarske komore FBiH, posjeta nije slučajna jer je ova sredina postala poslovno prepoznatljiva kako u našoj zemlji tako i van nje.

"Mi u Privrednoj komori FBiH smo prepoznali rad ovih ljudi ovdje, ovog Udruženja, kolektiva i pojedinaca, kao i tvrtki koje imaju jako dobru poslovnu klimu u ovoj regiji – Tešanj, Jelah, Usora.. Privredna komora FBiH stoji na raspolaganju svim ovim privrednicima, Udruzi kao kolektivu i pojedinačno svim tvrtkama. Ovo je jedan novi pristup u radu Privredne komore gdje smo na neki način izašli na teren. Želim posebno istaći da je ovo prvi sporazum ovakve vrste, ali se ja iskreno nadam da će ih biti još, jer mi u FBiH imamo svjetlih primjera ovakvih i sličnih poslovnih ambijenata, kako općinskih, gradskih, tako i regionalnih. " – zaključuje Šantić.

U okviru jednodnevne posjete Tešmju čelnici Privredne/Gospodarske komore F BiH posjetili su kompanije Pobjeda d.d. Tešanj i Mann Humel d.d., kojom prilikom su obišli proizvodne pogone te razgovarali sa vodećim menadžerima ovih kompanija.

Amela Kečo dipl.prav.

Memorandum o saradnji između P/G K FBiH i Asocijacije za inicijative i razvoj (AIR/AID)

P/G K FBiH i AIR/AID zaključile su Memorandum o saradnji na projektu „Savjetovalište za profesionalnu orijentaciju i selekciju“. Cilj projekta je da doprinese rješavanju problema nezaposlenosti kroz mjere usklađivanja ponude i potražnje na tržištu rada. Memorandumom je predviđeno da P/G K FBiH AIR/AID-u pruži stručno-tehničku pomoć u realizaciji ove inicijative.



Asocijacija za inicijative i razvoj (AIR/AID) i Privredna/Gospodarska komora FBiH potpisale su 22.07.2015. godine Memorandum o saradnji, čime su ozvaničile zajednički angažman na projektu „Savjetovalište za profesionalnu orijentaciju i selekciju“.

AIR/AID pokrenula je ovaj projekat s ciljem da doprinese strateškom rješavanju gorućeg problema nezaposlenosti u našem društvu, na način da će se sistematski baviti kako posljedicama eskalacije ovog problema, tako i prevencijom daljeg razvoja istog. Glavni cilj projekta je opšta sinhronizacija ponude i potražnje domaćeg ali i međunarodnog tržišta rada, uz inicijative na tokove i smjernice obrazovnih institucija koje trenutno vrše hiperprodukciju kadrova, te se metodama istraživanja ima namjera sanirati suficit i deficit kadrova na domaćem tržištu rada. Projekat u svojim aktivnim prioritetima ima za cilj zbr-

nuti mlade a onda redom i druge ugrožene populacije kojih u BiH ima mnogo, kao što su lica sa invaliditetom, ratni vojni invalidi, demobilisani borci, te lica sa prekomjerno otežanom egzistencijom.

Generalni partner projekta je Općina Sarajevo-Centar, a u ovoj razvojnoj fazi nastoje se okupiti sve resorne institucije kao i privredni subjekti, domaći i inostrani, kako bi aktivno preuzeli direktno i sinergijsko učešće na stvaranju ambijenta za rješavanje opšteg problema nezaposlenosti. U tom smislu AIR/AID se obratio P/G K FBiH sa zahtjevom da pruži svoju stručnu i tehničku podršku u implementaciji ove inicijative, što je P/G K FBiH spremno i ažurno prihvatila.

Projekat polazi od pretpostavke da rješenja za efektivno zapošljavanje postoje, kao što su bilateralni sporazumi sa državama koje su još uvijek naklonjene BiH. Ove prednosti se moraju dobro implementirati što je moguće samo uz sinhronizovano aktivno djelovanje svih institucija i subjekata, aktera ovog problema. U tom smislu, u narednom periodu su planirane učestale konferencije i radionice na kojima će se, osim internih problema BiH, razmatrati i mogućnosti koje za nas otvara međunarodno tržište.

Predsjednica AIR/AID, mr. sc. Đana Glibanović se prilikom potpisivanja Memoranduma zahvalila predsjedniku P/G K FBiH, dr. sc. Marku Šantiću, na spremnosti za saradnju i profesionalizmu koje je ova institucija pokazala u dosadašnjem kontaktu.

Dr. sc. Marko Šantić je naglasio da je P/G K FBiH, u skladu sa svojim kapacitetima i ovlaštenjima, spremna doprinijeti stvaranju povoljnijeg poslovnog ambijenta i razvoju bh. privrede, te je pozdravio inicijativu AIR/AID-a.

Aida Handžić dipl.ecc





Southeast Europe Economic Forum
 Challenges Ahead of Economic Recovery
 18 - 19 June 2015
 Kempinski Hotel Sofia

Predstavници BH privrede učestvovali na Ekonomskom forumu Jugoistočne Europe



i srednjih preduzeća, gospodin Enes Ališković, direktor Agencije za promociju izvoza (BHEPA) VTKBIH je održao prezentaciju „Promocija spoljne trgovine u Jugoistočnoj Evropi“ sa akcentom na bilateralne odnose BiH i Bugarske.

Nakon toga su predstavnici BH kompanija „Junior Eko Termik d.o.o“ iz Jelaha i „PullCom BH d.o.o Pulled Composites“ iz Gradačca, predvođeni potpredsjednikom P/G komore FBiH gospodinom Mirsadom Jašarspahićem, učestvovali u bilateralnim sastancima sa pravednicima bugarskih, kao i kompanija iz šire regije.

Emir Pašić, dipl.ecc



U Sofiji je 18. i 19. Juna ove godine održan „Southeast European Forum“ na kojem su ispred Bosne i Hercegovine učestvovali predstavnici Ministarstva vanjske trgovine i ekonomskih odnosa BiH, gosp. Mato Franjčević, zamjenik ministra, gospodin Dragan Milović, pomoćnik ministra Sektora za ekonomski razvoj i poduzetništvo; Ministarstva prometa i komunikacija BiH, gosp. Saša Dalipagić, zamjenik ministra, gosp. Ante Batarilo, šef kabineta zamjenika ministra, gđa. Samra Mušija, stručni savjetnik; gospodin Enes Ališković, direktor Agencije za promociju izvoza (BEHPA) VTKBiH, i predstavnici kompanija JUNIOR-EKOTERMIK d.o.o. Jelah-Tešanj, Pulled Composites iz Gradačca, predvođeni potpredsjednikom P/G komore FBiH gosp. Mirsad Jašarspahićem.

Na trećoj sesiji „Balkan Trade Bridge 2015“ čiji je zvanični partner bila bugarska Agencija za promociju malih





ENERGA 2015

U Tuzli je od 9.-12. juna 2015. godine održan peti po redu Međunarodni sajam energetike Energa 2015. Na 6000 kvadratnih metara u dvorani Mejdan u Tuzli, kroz pojedinačne i kolektivne izlagačke prostore te poslovne prezentacije u kongresnom dijelu programa, predstavilo se 120 privrednih subjekata iz 11 zemalja Evrope i Azije. Program sajma Energa čine sajamski i kongresno-prezentacijski sadržaji, koji ga svrstavaju među najznačajnije manifestacije u oblasti energetike u BiH i regiji.



Prvog dana Sajma, 9. juna, kao centralni konferencijski događaj je u organizaciji Udruženja za obnovljive izvore energije P/G komore Federacije Bosne i Hercegovine, održan panel pod nazivom „Aktuelna pitanja razvoja sektora energetike BiH“, na kojem su aktivno učešće svojim prezentacijama uzeli članovi Udruženja OIE U uvodnom obraćanju Mirsad Jašarspahić, potpredsjednik Komore, naglasio je da je BiH obavezna prihvatiti i primijeniti zakonsku regulativu Evropske unije uključujući sve smjernice energetske politike EU. “Svima koji se bavimo ovim sektorom mislim da je, prije svega stalo da BiH ostane energetska nezavisna zemlja i toga se moramo svi pridržavati. U daljem razvoju energetike država treba da se oslanja na ono što ima i što je sigurno”, istaknuo je Jašarspahić. Direktor Operatora za OIEiEK Hajrudin Bećirović na panelu je govorio o politikama obnovljivih izvora energije u Federaciji BiH. Zaključci sa panela najvećim dijelom odnose se na po-

trebu izrade jedinstvene strategije razvoja sektora energetike BiH, na osnovu koje će biti urađeni zakonski akti kao osnova za privlačenje investitora i željeni razvoj energetskog sektora, najvećeg potencijala kojeg naša država ima.

Što se tiče izlagačkog dijela, po prvi put se na sajmu pojavio izlagač izvan evropskog kontinenta, riječ je o kineskom koncernu. Isto tako, posebnu pažnju brojnih posjetitelja privukli su kolektivni izlagački prostori ambasada Velike Britanije i Republike Češke. U saradnji sa ambasadama na Energi se predstavilo 17 firmi, koje u BiH i zemljama regiona traže partnere i potencijalne kupce ili korisnike svojih usluga i proizvoda.

Sajam je zatvoren svečanom dodjelom 28 sajamskih priznanja od strane organizatora. Priznanja su dobili: Elektroprivreda BiH, TEVE Varnost elektronika, Pullcom BH, Inpro BH, EN-Union, EEP Elektro-elektronik Pranjčić GmbH, Sicon SAS, Rudar, Energoinvest Group, Partner mikrokreditna fondacija, BH Telecom, Schneider Electronic, Centar za ekologiju i energiju, Elektroprivreda HZHB, Irma projekt sistem, RMU Banovići, Elsta Mosdorfer Bosnia, Vanjskotrgovinska komora BiH, P/G komora FBiH, Rudarski institut Tuzla, Entea, Rafako S.A., Enelex Spol s.r.o., British Embassy Sarajevo, Kossler GmbH&CO KG, Arcon Overseas Ltd., Czech Embassy Sarajevo, Sepco III Electric Power Construction Corporation, Becker-Warkop SP z.o.o., HD Industrie GmbH i Famur S.A.

Privredna/Gospodarska komora F BiH uzela je višestruko učešće u organizaciji sajma kao jedan od partnera gdje se predstavila kao organizator panela prvog dana, a nastupila je i na zajedničkom štandu sa Vanjskotrgovinskom



komorom BiH. Mirsad Jašarspahić, potpredsjednik Komore i jedan od članova Organizacionog odbora, istakao je evidentan napredak iz godine u godinu. "Sajam Energa je po mnogo čemu specifičan, a ono najvažnije je da odgovara očekivanjima izlagača i posjetitelja. Zabilježen je veliki broj poslovnih sastanaka, novih ideja i stručnih prezentacija koje su, vjerujem, urodile plodom. Siguran sam da će Energa već u 2016. godini zabilježiti dodatni napredak, jer to se od ovakvog događaja i očekuje", poručio je Jašarspahić na ceremoniji zatvaranja sajma.

Sajam Energa se pokazao kao dobra prilika privrednicima iz BiH i inostranstva da na jednom mjestu pronađu partnere iz specijalizirane privredne oblasti i ostvare vrijedne kontakte. Ovaj jedinstveni privredni događaj u ovom dijelu Evrope uspio je okupiti veliki broj predstavnika kompanija, ambasada i naučno-istraživačkih institucija vezanih za sektor energetike. Organizatori, a i

mnogi izlagači, su najavili svoj dolazak u Tuzlu i naredne godine.

Organizator programa Energa 2015 bio je Tuzlanski sajam, pokrovitelji manifestacije bili su Ministarstvo vanjske trgovine i ekonomskih odnosa BiH i Ministarstvo energije, rudarstva i industrije FBiH, dok su partneri bili Vanjskotrgovinska komora BiH, Privredna/Gospodarska komora FBiH i Vlada Tuzlanskog kantona.

Lejla Sadiković dipl.ing.maš



Renomirana Turska firma YAYLA TURK posjetila Menprom

Predstavnici turske firme Yayla Turk posjetili su 10.07.2015. godine Mesnu industriju Menprom u Tuzli.



Tom prilikom je Održan poslovni sastanak na kome su ispred Mesne industrije Menprom prisustvovali gospodin Mensur Alić, direktor i vlasnik firme, gospođa Edina Seletović, direktorica marketinga i gospodin Alija Šehović direktor sektora za kvalitet proizvodnje, dok je tursku firmu predstavljala gospođa Guneš Ertan, direktor spoljne trgovine.

Sastanak je organizirala P/G komora Federacije BiH, nakon prethodno iskazanog interesovanja turskih partnera za pokretanje poslovne saradnje sa Mesnom industrijom Menprom iz Tuzle, s prevashodnim ciljem plasmana njihovog proizvodnog programa na tursko tržište.

Gosti su obišli proizvodne pogone gdje su se uvjerali u visok tehnološki nivo proizvodnje na kojem Mesna industrija Menprom, uz široku paletu zdravih i ukusnih proizvoda proizvedenih posebnom pažnjom i po jedinstvenim recepturama, temelji svoju poslovnu filozofiju.

Dosljednost u provođenju politike kontinuiranog kvaliteta, potvrđenom dobijanjem visokozahtjevnih certifikata HACCP i HALAL kvalitete, proizvodnja vrhunskih mesnih delikatesa od visokokvalitetnog pilećeg, goveđeg i purećeg mesa, mesnu industriju Menprom čini jednom od vodećih mesnih industrija u našoj zemlji.

Razgovori, čiji rezultat se uskoro očekuje, su vođeni oko plasmana proizvodnog programa Mesne industrije Menprom kroz razgranatu mrežu firme Yayla Turk, koja je na turskom tržištu prepoznatljiva upravo po visokokvalitetnim mesnim prerađevinama, čiji kvalitet je dodatno garantiran Halala certifikatom.

Emir Pašić dipl.ecc



“SARAJ KOMERC” d.o.o.

Gornji Vakuf – Uskoplje



PROIZVODNJA OPRUGA, CIJEVI I DIJELOVA ZA FILTERE GORIVA
THE MANUFACTURE OF SPRINGS, PIPES AND PARTS FOR FUEL FILTERS
PRODUKTION VON FEDERN, RÖHREN UND KRAFTSTOFFFILTER-METALLTEILEN

Izvoz – investicija u budućnost

Metalski sektor u razvijenim i srednje razvijenim zemljama čini okosnicu privrednog razvoja. Prihvatajući ovu činjenicu, države kroz zakonodavni okvir i uz finansijske olakšice nastoje unaprijediti metalski sektor, čime se otvaraju mogućnosti za razvoj i drugih grana industrije.

Razvoj metalnog sektora u Federaciji BiH nije na zadovoljavajućem nivou. Iako imamo naslijeđenu tradiciju u ovoj oblasti, nažalost, veliki broj privrednih subjekata danas je suočen sa brojnim nerješivim problemima.

Uspješni pokazatelji brojnih kompanija koje su nekada u Bosni i Hercegovini činili njenu “ličnu kartu”, danas zamjenjuju podaci o blokiranim računim, otvorenim stečajnim postupcima, neriješenim radnopravnim odnosima i sl.



Direktor Emir Čolić

Međutim, postoji i značajan broj uspješnih privrednih subjekata čiji su vlasnici, menadžeri i uposlenici svojim zalaganjem uspjeli osigurati opstanak na tržištu, a svojim inovacijama i kvalitetnim rješenjima osigurali razvoj, tako da su u poslovnom okruženju postali prepoznatljiviji kao ozbiljan partner domaćim i inostranim kompanijama.

Zadovoljstvo nam je da među brojnim kompanijama iz oblasti metalske industrije u Federaciji BiH, imamo priliku predstaviti društvo za proizvodnju opruga i dijelova za filtere goriva “Saraj-komerc” d.o.o. Gornji Vakuf.

Saraj-komerc je kompanija u 100% privatnom vlasništvu koja se bavi proizvodnjom već rečenih opruga i dijelova za filtere goriva.

Osnovana je davne 1983.godine pod nazivim „Opružnica ZEKOTIĆ“, a danas je izrasla u respektabilnu firmu koja zapošljava preko 250 radnika .

Razgovaramo sa uglednim privrednikom, direktorom Saraj-komerca, gosp. Čolić Emirom.

Gosp. Čolić, Saraj komerc je izrastao u uspješnu kompaniju, koju gotovo da nije potrebno posebno predstavljati.

Međutim, posmatrano iz vašeg ugla, kao jednog od njenih tvoraca, kako danas gledate na Saraj-komerc, odnosno, kako je kompanija rasla i razvijala se?

- Firma se razvila iz manje porodične firme za proizvodnju opruga osnovane davne 1983. godine sa nekoliko zaposlenih koji su vjerovali u njen razvitak. Raduje podatak što su neki od tih radnika i dalje ostali lojalni kompaniji i vjerovali u njenu poslovnu politiku i rukovodstvo. Danas, nakon 30 godina, u vremenima teških političkih previranja i nepovoljnog poslovnog ambijenta, Saraj – Komerc d.o.o. i dalje hrabro korača u smjeru orijentacije prema, prije svega, evropskom zahtjevnom kupcu. Kvalitetom kojim se dokazujemo kroz navedeni sektor, sa obučanim i motivisanim stručnim kadrom i poslovnim planiranjem uspjeli smo opstati na inostranom tržištu, a procenat učešća na tom tržištu zadržavamo konstantno na oko 87%.

Trenutno poslujemo na tri proizvodne lokacije a razvoj firme je tekao postepeno, da bi infrastrukturno dostigao

svoj vrhunac kupovinom bivše UNIS-ove Tvornice za proizvodnju opruga, u svoje vrijeme jedne od najvećih u Evropi.

Sudeći prema rezultatima, kako na domaćem tako i inostranom tržištu, s pravom možete reći da imate jasnu viziju za budućnost. Možete li se složiti s ovom konstatacijom?

- Konstatacija je svakako na mjestu, što pokazuju i planirani daljnji koraci za razvoj firme. Međutim, mnoge okolnosti na koje ne možemo utjecati, razlog su što naša kompanija (a vjerovatno i mnoge druge) nisu multiplicirale svoje poslovne rezultate.

Naravno, veliki dio tih okolnosti vezan je za politička previranja u Bosni i Hercegovini, a već je postalo isprazno ponavljati te općepoznate činjenice.

Postojala je nada da će nove vlasti uspjeti unaprijediti poslovni ambijent, da će se parafiskalni nameti privredi osjetno smanjiti, da će se izvozno i proizvodno orijentisana preduzeća dodatno stimulirati i napraviti konkurentnijim, da će ona postati, gledajući globalno, zamajac razvoja države. Međutim, vrlo brzo nakon preuzimanja vlasti ponovo se otišlo u ćorsokak i od naših nadanja nije ostalo mnogo toga.

Vaši klijenti su renomirani svjetski proizvođači filtera Mann+Hummel, Delphi i Sogefi i dr. Steći povjerenje ovakvih kupaca u našem domaćem privrednom ambijentu ipak predstavlja izuzetak.

Gosp. Čoliću, postoji li recept za uspješnost?

- Poslovati sa nabrojanim firmama, koje su u isto vrijeme i naši najznačajniji kupci, rezultat je koji se ne postiže preko noći. Velikim i stalnim napornim radom najvišeg rukovodstva i svih zaposlenih u kolektivu uspješno se zadržala zadovoljna poslovna klijentela, a načinom na koji mi razmišljamo izdižemo se iznad svakodnevnog sivila naše zbilje, te u isto vrijeme pred međunarodnim auditorijem razbijamo tabue kojima smo svakodnevno okruženi.

Mnogo puta do sada smo razuvjerali strane kupce da ne mogu raditi sa nama kvalitetno kao i sa firmama iz razvijenih zemalja, a u dosta slučajeva raditi i kvalitetnije od njihovog prethodnog dobavljača. Dakle, kvalitet, cijena proizvoda, zadovoljstvo kupca i motivisanost zaposlenih, te adekvatno planiranje aktivnosti rukovodstva su čarobna formula koju vrlo rado dijelimo i sa drugim našim perspektivnim firmama.

Posredno smo na taj način doveli brojne strane kompanije i drugim našim firmama koje žele da primijene naš recept za uspjeh.

Uspješni menadžeri ističu da su za uspješnost kompanije važan činitelj stručni kadrovi. Kažite nam, koliko je po vašem mišljenju stručan i pažljivo odabran kadar važan za izrečenu tvrdnju, posebno u oblasti proizvodnje?

- Mi u našem kolektivu posebnu pažnju posvećujemo upravo stručnom kadru, njegovom odabiru i povećanju motivisanosti za rad. Stalno ulažemo napore da ove kadrove adekvatno nagrađujemo za nemjerljiv doprinos razvoju firme. Stipendiramo nadarene studente, a ukoliko su oni uz to djeca naših radnika, posvećujemo im dodatnu pažnju.

Kompanija bi, bez prepoznatih stručnjaka vrlo brzo urušila temelje na kojima stoji. Stoga smo opredijeljeni da i dalje odabiremo najbolje kadrove, te da sa njima pokušamo napraviti nove poslovne iskorake, što bi u krajnjem rezultiralo novim zapošljavanjima naših ljudi.

Veći dio sadašnjeg rukovodstva je bio u firmi i prije 5 ili deset godina, a stalno nastojimo stvoriti ambijent koji bi omogućio da ostanu barem još toliko dugo, a u krajnjem što da ne, da u našem kolektivu ostanu do samog penzionisanja.





U posljednje dvije godine Saraj – komerc je ojačao svoj mašinski park CNC automatima i unaprijedio svoju konkurentnost, što nam je širom otvorilo vrata ka novim inostranim kupcima.

Unaprijeđeno je i odjeljenje alatnice, te zaposleni novi kadrovi u ova dva odjeljenja. Time smo pridobili nove kupce koji su nam donijeli značajne nove poslove.

U bliskoj budućnosti bićemo bogatiji za mnoštvo novih artikala, od kojih je veliki broj već u fazi izrade prototipa.

Usvajamo nove tehnologije, a takva je i obrada aluminijskih cijevi za jednu globalno značajnu firmu. Posao sa ovom firmom garantuje nova zapošljavanja i nove poslovne uspjehe Saraj – Komerca.

Naša orijentacija su najviše razvijene zemlje Evropske unije.

U budućnosti se vidimo i na prostorima na kojima do sada nismo bili prisutni, a to su prostori Srednje Evrope, Turske, Zemalja Zaliva, te Rusije.

Vaša kompanija je član Skupštine Privredne/Gospodarske komore Federacije BiH. Smatrate li da se interes kompanija može bolje zaštititi i promovirati pod okriljem Privredne komore, odnosno, da li se danas mogućnosti Komore koriste u punom kapacitetu ?

- Kroz prisustvo na Skupštini, ali i na Odboru UMEI, štujemo svoje i interese nama sličnih kompanija. Sastav i htijenje trenutnog sastava Privredne komore garantuje stvaranje ambijenta kojemu treba poslovno težiti. Ubijeden sam da će se u nadolazećem periodu pokazati rezultati napornog i zajedničkog rada u ovim značajnim privrednim institucijama.

Na žalost, kapaciteti Komore i danas se ne koriste u punoj mjeri, a suviše je uzak krug firmi koje ih znaju na najbolji mogući način koristiti.

Možda nije na odmet molba rukovodstvu, da uloži dodatni napor u približavanju još većem broju kompanija kako bi im omogućili da ostvaruju svoje intarese na najbolji način.

I na kraju, gosp. Čoliću, uz veliku zahvalnost na dragocjenom vremenu koje ste izdvojili za ovaj razgovor, kažite

nam postoji li još nešto što nismo obuhvatili ovim razgovorom, a što smatrate da bi bilo važno istaći?

-Prije svega, kao i svaki drugi građanin ove zemlje zabrinut sam političkom situacijom u državi. Očekujem od odgovornih da nas konačno izvedu na put jedne uspješne evropske zemlje sa konkretno definisanim i ostvarivim ciljevima, koji bi proistekli na osnovu činjeničnog stanja i realno ostvarivih mogućnosti.

Bilo bi dobro da politika i privreda idu ukorak jedna sa drugom, odnosno, da jedni drugima budu oslonac na koji uvijek mogu računati.

Do tada, privreda mora sama sebi krčiti put trnovitim stazama do uspjeha, prikazivati Bosnu i Hercegovinu u sasvim drugom svjetlu od već ustaljenog stereotipa, odnosno, u svjetlu jedne predivne zemlje sa ljudima koji slušuju bolju i vedriju budućnost.

Hvala Vam za razgovor.

- Hvala Vama!

razgovarala Amela Kečo dipl.prav.



Vlada Federacije Bosne i Hercegovine je na 12. sjednici održanoj 25.06.2015. godine donijela Odluku o usvajanju Programa utroška sredstava trajnog revolving fonda kod Union banke d.d. Sarajevo, Federalnog ministarstva energije, rudarstva i industrije za dugoročno finansiranje projekata putem dodjele kredita za 2015. godinu. Očekivani efekti Programa su: povećanje broja zaposlenih, rast indeksa industrijske proizvodnje za sektore prerađivačke industrije, podsticanje proizvodnje i konkurentnosti industrijskih sektora uvođenjem novih tehnologija i tehnoloških postupaka, unapređenjem postojećih tehnologija i tehnoloških postupaka kao i reinženjeringa, prenos tehnologija i inovacija s ciljem većeg udjela vlastitih znanja, razvoj novih proizvoda i materijala, proizvodnih procesa ili usluga sa većom dodatnom vrijednosti, uspostavljenje sistema kvalitete (CE znak, ISO standardi i drugo), veća izvozna orijentacija i konkurentnost.

Na osnovu člana 9. Zakona o federalnim ministarstvima i drugim tijelima federalne uprave ("Službene novine Federacije BiH", br. 19/03, 38/05, 2/06 i 8/06), odredaba Odluke o usvajanju Programa utroška sredstava Trajnog revolving fonda kod Union banke d.d. Sarajevo, Federalnog ministarstva energije, rudarstva i industrije za dugoročno finansiranje projekata putem dodjele kredita za 2015. godinu, („Službene novine Federacije BiH”, broj 52/15), Federalno ministarstvo energije, rudarstva i industrije o b j a v l j u j e

JAVNI POZIV ZA KANDIDOVANJE PROGRAMA UTROŠKA SREDSTAVA TRAJNOG REVOLVING FONDA KOD UNION BANKE D.D. SARAJEVO, FEDERALNOG MINISTARSTVA ENERGIJE, RUDARSTVA I INDUSTRIJE ZA DUGOROČNO FINANSIRANJE PROJEKATA PUTEM DODJELE KREDITA ZA 2015. GODINU

I. PREDMET POZIVA

Predmet poziva je prikupljanje zahtjeva za odabir korisnika kreditnih sredstava, u skladu sa Odlukom o davanju saglasnosti Federalnom ministarstvu energije, rudarstva i industrije za uspostavu Trajnog revolving fonda kod Union banke d.d. Sarajevo za dugoročno finansiranje projekata putem dodjele kredita-Trajni revolving fond i Programom utroška sredstava Trajnog revolving fonda kod Union banke d.d. Sarajevo Federalnog ministarstva energije, rudarstva i industrije za dugoročno finansiranje projekata putem dodjele kredita za 2015. godinu (u daljem tekstu:Program), („Službene novine Federacije BiH”, broj 52/15).

II. PRAVO UČEŠĆA

Pravo učešća na Javnom pozivu imaju privredna društva sa sjedištem u Federaciji Bosne i Hercegovine čija je primarna djelatnost definisana djelatnostima proizvodnje u sljedećim sektorima industrijske proizvodnje:

- Metalna, elektro i automobilska industrija,
- Građevinska industrija,
- Drvna i papirna industrija,
- Proizvodnja tekstila, kože i obuće,

- Hemijska industrija i industrija gume i plastike i
- Namjenska industrija,

te da zapošljavaju najmanje 20 zaposlenika, kao i privredna društva sa sjedištem u Federaciji Bosne i Hercegovine koja na teritoriji Republike Srpske otvaraju ispostave, podružnice ili poslovne jedinice.

III. SVRHA POZAJMLJIVANJA SREDSTAVA

Prioritet ovog Javnog poziva je dodjelom kreditnih sredstava povećati zaposlenost, kao i poboljšanje tehnološke spremnosti privrednih društava da kroz ulaganja u materijalnu i nematerijalnu imovinu povećaju produktivnost i konkurentnost.

Pozajmljivanje sredstava vrši se u cilju:

- povećanja broja zaposlenih,
- značajnog poboljšanja i modernizacije proizvodnje postojećih proizvoda, proizvodnih procesa koji daju proizvode s većom dodatnom vrijednosti, širenja postojeće proizvodnje i izgradnju novih proizvodnih kapaciteta,
- izgradnje proizvodnih objekata koji podrazumijevaju ulaganje u nove ili rekonstrukciju, adaptaciju i dogradnju postojećih objekata i postrojenja, te kupovinu novih proizvodnih hala, sa pripadajućom infra-

strukturuom i opremom ili bez nje, a koje su usko vezane uz proizvodnju,

– nabavke novih tehnologija (mašina, postrojenja i opreme za proizvodnju, mjernih i kontrolnih uređaja i instrumenta),

– nabavke industrijskog znanja (know-how), posebnih znanja i vještina, kao i nabavke informatičke opreme usmjerene ka proizvodnji,

– uvođenja validnog CE znaka,

– uvođenja Sistema kvaliteta u skladu sa standardima (serija ISO standarda, sistemi upravljanja zaštitom zdravlja i bezbjednošću na radu, potrebnih licenci za obavljanje proizvodne djelatnosti i sl.),

– pokretanja značajnijih aktivnosti zasnovanih na promjenama sveukupnih proizvodnih procesa i stanja postojeće poslovne djelatnosti društva (reinžinjeriing),

– ulaganja u razvoj i istraživanje novih proizvoda i materijala, kao i istraživanja tržišta i marketinga i

– stvaranje novih, odnosno očuvanje postojećih radnih mjesta.

IV. KRITERIJI ZA IZBOR KORISNIKA

Pozajmljivanje sredstava prema ovome Programu može biti odobreno ako su ispunjeni sljedeći, osnovni, kriteriji:

– da su privredna društva sa sjedištem u Federaciji Bosne i Hercegovine čija je primarna djelatnost definisana djelatnostima proizvodnje u sektorima navedenim u tački 2. Javnog poziva,

– da zapošljava najmanje 20 zaposlenika i

– da privredna društva u prethodnoj, budžetskoj 2014. godini nisu bila korisnici podsticaja od strane Ministarstva.

Korisnici ne mogu biti privredna društva:

– u stečaju ili u postupku likvidacije,

– koja imaju nepodmiren dug prema federalnim i državnim institucijama, osim ako isti nije reprogramiran važećim dokumentom i ako Programom nije drugačije definisano,

– kojima je zatražen povrat dosadašnjih podsticaja ili kreditnih sredstava, ili se nalaze u postupku povrata podsticaja ili kreditnih sredstava,

– koja ne ispunjavaju uslove za otvaranje transakcijskog računa kod Banke,

– koja bez prekida posluju kraće od 6 mjeseci i/ili ne posjeduju zvanične finansijske izvještaje,

– koja imaju iskazan gubitak iznad visine kapitala prema posljednjem zvaničnom bilansu stanja,

– čiji kapital prema posljednjem zvaničnom bilansu stanja ima vrijednost nižu od iznosa traženog kredita i

– koja prema CRK izvještaju Centralne Banke Bosne i Hercegovine imaju tekuće plasmane u finansijskim institucijama u kategoriji lošijoj od B (osim u slučaju da

obezbijede dokaz o urednom izmirivanju obaveza).

V. SREDSTVA PREDVIĐENA ZA POZAJMLJIVANJE

Sredstva predviđena za pozajmljivanje čine: neutrošena sredstva po Programu utroška dijela sredstava utvrđenih u razdjelu 17. Budžeta Federacije Bosne i Hercegovine za 2014. godinu Federalnom ministarstvu energije, rudarstva i industrije „Izdaci za finansijsku imovinu – Ostala domaća pozajmljivanja” (Kreditiranje pod povoljnim uslovima u poplavljenim područjima), odobrena sredstva po Budžetu Federacije Bosne i Hercegovine za 2014. godinu, saldo sredstava zatečenih na računu u Union banci d.d. Sarajevo (u daljem tekstu: Banka), na dan 10.04.2015. godine i odobrena sredstva po Budžetu Federacije Bosne i Hercegovine za 2015. godinu.

Navedena sredstva su kreditnog karaktera, sa:

– odgodom plaćanja („grace“ periodom) do 12 mjeseci,

– godišnjom kamatnom stopom u visini 0,9% i

– naknadom za obradu kredita - jednokratno u visini 0,6%

Naprijed navedene troškove snosi korisnik sredstava. Naknada za obradu kredita se plaća unaprijed iz odobrenih kreditnih sredstava korisnika u visini 0,6%.

Dodijeljena sredstva korisnici vraćaju u minimalno 24, a maksimalno u 60 jednakih mjesečnih anuiteta. U broj anuiteta se ne uračunava „grace“ period. Početak povrata kredita, dinamika vraćanja, kao i drugi bitni elementi kredita bit će definisani ugovorom.

Dodijeljena sredstva isključivo će se isplaćivati na račune korisnika kredita kod Banke, čime će se omogućiti i kontrola utroška dodijeljenih sredstava po Programu.

Sredstva za provođenje Programa odobravat će se u visini novčanih sredstava, na način kako je to dato u Tabeli 1.

Tabela 1.

Visina dodijeljenih sredstava u KM	Odgoda plaćanja (grace period) u mjesecima do	Broj anuiteta (mjesečnih) vraćanja sredstava
50.000,00 – 600.000,00	12	24-60

Kreditna sredstva moraju biti obezbijeđena minimalno:

- mjenicama Korisnika sredstava (dužnika) i mjenicama vlasnika Korisnika sredstava (u slučaju da 50% ili više vlasništva pripada jednom licu, osim za preduzeća u većinskom državnom vlasništvu) i

- Založnim pravom na nekretnine ili kombinacijom založnog prava na nekretninama i zaloga na pokretnim stvarima – opremu, odgovarajuće vrijednosti ustanovljene na osnovu procjene stalnog sudskog vještaka odgovarajuće struke (definisano u nastavku)

Vrijednost nekretnina koje se uzimaju kao kolateral mora biti minimalno u omjeru 1,5:1 u odnosu na iznos kredita, osim ako se radi o kombinaciji založnog prava na nekretninama i zaloga na pokretnim stvarima.

Ukoliko se radi o kombinaciji založnog prava na nekretnine i zaloga na pokretne stvari, ukupna vrijednost kolaterala mora biti minimalno 2:1 u odnosu na iznos kredita uz uslov da vrijednost nekretnina mora biti minimalno 1,25:1 u odnosu na iznos kredita.

Ukoliko je namjena kredita nabavka opreme, odnosno pokretnih stvari, obavezno je da se iste zalažu kao dodatni kolateral uz obavezni kolateral (vrijednost dodatnog kolaterala ne ulazi u gore definisane omjere vrijednosti kolaterala i iznosa kredita).

VI. TRAJANJE PROGRAMA

Javni poziv se vodi kao trajni otvoreni poziv za dostavu zahtjeva za dodjelu kreditnih sredstava, s krajnjim rokom dostave do utroška sredstava ili do dana usvajanja Budžeta Federacije Bosne i Hercegovine za 2016. godinu. Pošto je Javni poziv otvoren do iskorištenja raspoloživih sredstava, podnosioci zahtjeva čiji su zahtjevi za dodjelu sredstava isključeni iz postupka dodjele istih, mogu ponovo podnijeti zahtjev za dodjelu sredstava.

VII. PROVOĐENJE PROGRAMA

Zahtjev za prijavu na Javni poziv, potencijalni korisnici kreditnih sredstava trebaju dostaviti uz sljedeću dokumentaciju:

- Dokumentacija na obrascima Banke;
- Zahtjev za kredit,
- Karton deponovanih potpisa,
- Popunjen upitnik o povezanim licima,
- Saglasnost za pristup podacima iz centralnog registra kredita,
- Izjava ovlaštenoga lica o nepostojanju računa nad kojim je određena mjera zabrane raspolaganja novčanim sredstvima,



- Pregled postojećih kreditnih obaveza s informacijama o namjeni i obezbjeđenju i
- Poslovni plan koji uključuje i plan investiranja s efektima utroška sredstava (ukoliko se poslovnim planom proiciraju prihodi koji su veći u odnosu na prethodnu godinu i/ili prosjek prethodne 3 godine za više od 10%, potrebno je da proicirani prihodi i njihova izvjesnost bude adekvatno dokumentovana i precizno obrazložena).
- Dokumentacija potencijalnih Korisnika kredita:
 1. Rješenje o registraciji sa svim izmjenama i dopunama,
 2. Aktuelni izvod iz u sudskog registra (ne stariji od 30 dana),
 3. Statut i odluka/akt o osnivanju,
 4. Uvjerenje o poreznoj registraciji kod Porezne uprave – ID broj,
 5. Uvjerenje o registraciji obaveznika poreza na dodatnu vrijednost – PDV broj,
 6. Obavještenje nadležnog zavoda za statistiku o razvrstavanju prema djelatnosti,
 7. Uvjerenja nadležne organizacione jedinice Porezne uprave/UIO da nema neizmirenih obaveza po osnovu javnih prihoda,
 8. Identifikacioni dokument osnivača,
 9. Lične karte i CIPS potvrde o prebivalištu lica ovlaštenih za zastupanje,
 10. Zvanični finansijski izvještaji za posljednje tri godine (podrazumijeva godišnje i polugodišnje finansijske izvještaje - ukoliko je društvo obavezno vršiti prijavu polugodišnjih izvještaja); ukoliko je privredno društvo osnovano u periodu koji je kraći od tri godine, potrebno je dostaviti finansijske izvještaje za cjelokupni period poslovanja,
 11. Analitički bruto bilans,
 12. Pregled potraživanja od kupaca,
 13. Pregled obaveza prema dobavljačima,
 14. Dokumentacija u vezi sa imovinom koja se nudi kao obezbjeđenje kredita:
 - a. procjena sudskog vještaka (ne starija od šest mjeseci),
 - b. ZK izvadak i kopija katastarskog plana/posjedovnog lista sa identifikacijom parcela novog i starog premjera (ne stariji od 30 dana) i/ili dokumentacija kojom se dokazuje vlasništvo nad pokretnim stvarima i izvod iz





registra zaloga

Napomena: provjeru izvoda iz registra zaloga će vršiti Banka i naplatiti taksu prilikom realizacije kredita,

15. Spisak zaposlenika iz matične evidencije aktivnih osiguranika, izdat od strane nadležne službe ne stariji od 30 dana od dana podnošenja zahtjeva (min. 20 zaposlenika),

16. Ovjerena i potpisana izjava od strane ovlaštenog lica o planiranom broju novozaposlenih radnika u periodu do jedne godine po potpisivanju ugovora o dodjeli kreditnih sredstava, koji će biti zadržani u radnom odnosu najmanje tri godine,

17. Izjava ovlaštenog lica da privredno društvo u zadnjoj budžetskoj 2014. godini nije bilo korisnik podsticaja od strane Federalnog ministarstva energije, rudarstva i industrije,

18. Ovjerena i potpisana izjava od strane ovlaštenog lica o broju zaposlenih povratnika (ukoliko se zahtjev za dodjelu sredstava odnosi na ispostave, podružnice ili poslovne jedinice sa sjedištem u Republici Srpskoj),

19. Izjava kojom privredno društvo dokazuje da u prethodne tri fiskalne godine nije bilo korisnik grant ili kreditnih sredstava, a ukoliko jeste, izjavom treba obavijestiti Ministarstvo o drugim vrstama državne pomoći koje je dobilo u prethodnom trogodišnjem fiskalnom periodu od svih nivoa vlasti (grant sredstva, kreditna sredstva sa subvencionisanom kamatnom stopom, garancije itd.), i

20. Ostala dokumentacija u skladu sa zahtjevima Banke i/ili Ministarstva, kao i dokumenti za koje klijent smatra da su interesantni za Banku.

Napomena:

- obrazac izjave pod rednim brojem 19 i zahtjev za prijavu na Javni poziv može se preuzeti sa web stranice Ministarstva (www.fmeri.gov.ba)
- obrasci Banke mogu se preuzeti na web stranici Banke (www.unionbank.ba)
- dokumentaciju pod rednim brojevima 11, 12 i 13 treba obezbijediti sa:
- danom dostavljenih posljednjih zvaničnih finansijskih izvještaja i
- posljednjim danom prethodnog mjeseca u odnosu na

dan podnošenja zahtjeva za kredit.

Postupak dodjele kreditnih sredstava predstavlja sveobuhvatni postupak odabira zahtjeva za dodjelu sredstava i sastoji se od sljedećih faza:

1. faza - Zaprimanje zahtjeva
2. faza - Administrativna provjera formalne ispravnosti dostavljenih zahtjeva
3. faza - Ocjena o bonitetu klijenta i pravno mišljenje o projektu
4. faza - Odluka o davanju prethodne saglasnosti na prijedlog Rješenja o dodjeli kreditnih sredstava sa dostavljenim mišljenjima od strane relevantnih institucija, dostavlja se Vladi Federacije BiH na odlučivanje i objavljuje se u „Službenim novinama Federacije BiH“ i na web stranici Ministarstva.
5. faza - Donošenje Rješenja o dodjeli kreditnih sredstava uz objavu iste u „Službenim novinama Federacije BiH“
6. faza - potpisivanje Ugovora o dodjeli kreditnih sredstava.

Zahtjevi za dodjelu kreditnih sredstava se u fazama 1 i 2 obrađuju prema datumu zaprimanja, a u sljedeće faze se upućuju prema datumu i vremenu okončanja obrade za pojedine faze.

Neuspješni podnosioci zahtjeva za dodjelu kreditnih sredstava po svim fazama će biti obaviješteni u pisanom obliku, a razloge odbijanja mogu dobiti u pisanom obliku na vlastiti zahtjev koji podnose Ministarstvu.

VIII. KANDIDOVANJE PROGRAMA

Pismeni zahtjev za kredit, sa ostalom potrebnom dokumentacijom po Javnom pozivu, uvezan i poredan po tačkama Javnog poziva, podnosi se Ministarstvu na memorandumu društva, ovjerenom i potpisanom od strane osobe ovlaštene za zastupanje, sa preciznom namjenom utroška sredstava kredita, iznosom i rokovima otplate kredita, te sa naznakom iz kojeg se industrijskog sektora traže sredstva (Metalna, elektro i automobilska industrija; Građevinska industrija i industrija građevinskog materijala;

Drvena, papirna i grafička industrija; Proizvodnja tekstila, odjeće kože i obuće; Hemijska i farmaceutska industrija i industrija gume i plastike; Namjenska industrija). Podnositelj po predmetnom Javnom pozivu za dodjelu kreditnih sredstava može podnijeti u toku važeće, budžetske godine, više od jednog zahtjeva samo ukoliko mu po prethodnom zahtjevu nisu odobrena kreditna sredstva.

Postupak dodjele obuhvata razdoblje od predaje zahtjeva do donošenja konačne odluke o predmetnom zahtjevu, o čemu se podnosilac zahtjeva obavještava pismenim putem. Iz navedenog proizilazi, između ostalog, da podnositelj zahtjeva ne može podnijeti više zahtjeva istovremeno po ovom Javnom pozivu.

Napomena:

U slučaju da podnositelj zahtjeva podnese novi zahtjev za dodjelu kreditnih sredstava po ovom Javnom pozivu, dok je prvobitno zaprimljeni zahtjev još u postupku dodjele, novi zahtjev sa dokumentacijom će biti vraćen podnositelju zahtjeva i neće biti uključen u postupak dodjele.

Zahtjevi za kreditna sredstva koji su veći od maksimalnog predviđenog iznosa iz ovog Programa, smatrat će se formalno neispravnim i neće se uzeti u razmatranje.

Namjena utroška kreditnih sredstava, kao i ponuđeni kolateral za obezbjeđenje kredita, ne može se mijenjati u toku postupka obrade kreditnog zahtjeva od strane Ministarstva i Banke.

IX. PRIPREMA

Podnositelj zahtjeva snosi sve troškove u vezi sa pripremom i kandidovanjem programa.

Zahtjevi za dodjelu kredita sa odgovarajućim prilogima i dokumentacijom iz poglavlja VII Javnog poziva, dostavljaju se preporučeno poštom ili lično u zapečaćenoj, neprovidnoj koverti na adresu: Federalno ministarstvo energije, rudarstva i industrije Mostar, Alekse Šantića b.b. 88 000 Mostar s naznakom: Ne otvarati – po Javnom pozivu za kandidovanje programa utroška sredstava Trajnog revolving fonda kod Union banke d.d. Sarajevo Federalnog ministarstva energije, rudarstva i industrije za dugoročno finansiranje projekata putem dodjele kredita za 2015. godinu.

Na poledini koverta obavezno navesti naziv podnosioca zahtjeva, adresu i kontakt telefon i ovjeriti pečatom. Podnositelj zahtjeva može izmijeniti ili povući svoj zahtjev, a Federalno ministarstvo energije, rudarstva i industrije mora o tome biti obaviješteno u pisanoj formi. Izmjena ili povlačenje ponude mora biti izvršena u skladu sa ovim poglavljem.

Osim toga, na koverti u kojoj se nalazi obavještenje o izmjeni ili povlačenju zahtjeva ponuđača treba pisati „IZMJENA ZAHTJEVA“ ili „POVLAČENJE ZAHTJEVA“.

Povrat dokumentacije se vrši isključivo na pismeni zahtjev podnosioca.

Sve odluke i rješenja se objavljuju u „Službenim novinama Federacije BiH“, a sve odluke se objavljuju i na službenoj web stranici Ministarstva.

Ovaj poziv ostaje otvoren do utroška sredstava, a najkasnije do dana usvajanja Budžeta Federacije Bosne i Hercegovine za 2016. godinu i objavit će se u “Službenim novinama Federacije BiH” i dnevnim novinama “Oslobođenje” i “Dnevni list”.

Nepotpune i neblagovremene prijave neće biti uzete u razmatranje.

Pitanja u vezi sa Javnim pozivom i Programom mogu se slati putem e-pošte na sljedeće adrese:

amela.mikulic@fmeri.gov.ba

jelena.trutina@fmeri.gov.ba

bibica.duzevic@fmeri.gov.ba

Zainteresovani podnosioci zahtjeva mogu kontinuirano postavljati pitanja. Odgovori će se objavljivati na web stranici Ministarstva u roku od 7 dana .

Detalji vezani za podnošenje zahtjeva, osim u Javnom pozivu, mogu se vidjeti u Programu utroška sredstava Trajnog revolving fonda kod Union banke d.d. Sarajevo Federalnog ministarstva energije, rudarstva i industrije za dugoročno finansiranje projekata putem dodjele kredita za 2015. godinu, objavljenom na službenoj internet stranici Federalnog ministarstva energije, rudarstva i industrije: www.fmeri.gov.ba





Obnovljivi izvori energije kao pokretač lokalnog razvoja u BiH

Vrijednost učešća OIE u ukupnoj potrošnji energije razlikuju se po pojedinim državama u zavisnosti od njihovih prirodnih potencijala. U skladu sa principom zamjene duga prema prirodi, implementacija EU direktive na nivou Energijske zajednice Jugoistočne Evrope treba se realizirati tako da veće obaveze preuzimaju razvijene države, a nešto manje one manje razvijene. Na taj način su razvijene zemlje primorane da kupuju prava korištenja na obnovljive izvore energije od manje razvijenih država. Koristeći ove postupke, manje razvijene zemlje, među koje spada i Bosna i Hercegovina, mogu da zarade kako po osnovu stranih investicija tako i po osnovu prodaje prava korištenja.

Rezultati istraživanja eksperata iz oblasti obnovljivih izvora energije pokazali su procjenu potencijala po vrstama obnovljivih izvora kao što su: mHE – 1.000 MW, vjetroelektrane – 1.200 MW, solarne elektrane – 500 MW i elektrane na biomasu – 800 MW. Ukoliko bi se to pretvorilo u novčane iznose, onda se ukupna visine ulaganja procjenjuje na oko šest milijardi EUR-a.

Prepreke u realizaciji planova u sektoru OIE

Privrede država počivaju na saradnji ili u partnerskom odnosu između realnog sektora i državnog aparata, odnosno, administracije kao servisa i podrške privredi. Praktično svaka država ima ključnu ulogu u donošenju mjera za stimuliranje privrednih aktivnosti i stvaranje uslova za sigurnost u poslovanju i zaštiti uloženog kapitala, ujedno i zaštiti svih učesnika u proizvodnom procesu. Međutim, zbog raznih manjkavosti u mnogim segmentima kod nas se pojavljuju blokade, pa tako i u sektoru obnovljivih izvora energije.

Bosna i Hercegovina raspolaže sa značajnim potencijalom za proizvodnju električne energije iz obnovljivih izvora. Nažalost, taj potencijal nije dovoljno iskorišten, jer gotovo nijedna značajna investicija u ovom sektoru do sada nije realizovana. Naime, zbog rizika poslova-

nja investitora koji se ogleda u nedostatku odgovarajuće zakonske regulative, administrativnim barijerama kod ishodovanja potrebnih dozvola, pravne sigurnosti, podijeljenih nadležnosti između različitih nivoa vlasti i neusaglašenosti energetske, građevinskih i drugih pripadajućih zakona, sužen je prostor za razvoj i poslovanje u ovom sektoru.

Zbog toga se nužno nametnula potreba za detaljnom analizom važeće zakonske regulative, te izrada preporuka za njihovu izmjenu i dopune, odnosno, njihovo potpuno usklađivanje sa pravnom stečevinom EU.

Obzirom na zainteresiranost aktuelnih vlasti za promjene na bolje, očekivanja su da se u narednom periodu stvore uslovi koji bi omogućili da dođe do pomaka u poslovnom ambijentu, a samim tim i do značajnog investicionog zamaha.

To je i bio povod da se u organizaciji P/G Komore FBiH i pripadajućeg Udruženja za obnovljive izvore energije održi Okrugli sto na temu „Uticaj politike EU u vezi suzbijanja klimatskih promjena na razvoj energetike BiH“ (Sarajevo, 9.04.2015), sa ciljem da se pokuša doći do načina kako pokrenuti izgradnju postrojenja obnovljivih izvora energije u BiH.

Rezultati rasprave na okruglom stolu dati su u obliku Zaključaka (objavljeni u prošlom broju Glasnika), koji mogu poslužiti nadležnim i kao podloga za donošenje odgovarajućih odluka o nužnim poboljšanjima zakonske regulative, harmonizaciji zakona, pojednostavljenju i ubrzanju administrativnih procedura i jačanju institucionalnih kapaciteta u procesu izdavanja dozvola i saglasnosti tokom razvoja i izgradnje ovakvih projekata.

Svakako da je preduslov za poboljšanje ukupnog procesa u BiH izrada i usvajanje dugoročne energetske politike i strategije sa stimulativnim poticajima za OIE; planiranje mjera (olakšica) za privlačenje domaćih i stranih ulaganja u sektor obnovljivih izvora energije, a prije svega postizanje vladavine zakona i pravne dosljednosti koristeći načela dobre prakse investiranja, međunarodne standar-



de i kompetencije. Primjeri dobre prakse koji odražavaju potrebu investitora (smanjenje rokova izdavanja dozvola, produženje perioda važenja dozvola, usklađivanje građevinske i energetske regulative, redoslijed i obim dokumenata, pojačavanje mehanizama odgovornosti i postupaka radi eliminiranja rizika povezanih s nepropisnim radom sistema kao što su neovisne organizacije, revizori), su uklanjanje nejasnoća i mogućnosti zloupotrebe iz zakonske regulative, posebno onih odredbi koje ne odražavaju dobru namjeru zakonodavca i donošenje važnih akata, propisa i normativa bez učešća struke ili udruženja iz date oblasti. Posebno je važno pojednostavljenje procedura za dobijanje dozvola i osiguranje postupka sve pod jednim krovom (one-stop-shop).

Plan djelovanja

Plan djelovanja u Bosni i Hercegovini ima dva nivoa:

1. Državni nivo (politika prema OIE; usaglašena na nivou entiteta) i
2. Lokalni nivo (na osnovu propisa koje donose entiteti i kantoni).

Državni nivo znači aktivnu ulogu BiH u okviru Ugovora o energijskoj zajednici (u vezi OIE) i diseminacija informacija u zemlji. U ovo treba da su uključeni i biznis, industrija i sektor građanskog društva.

Potrebno je sačiniti odgovarajuće analize uloga svih aktera u energetskom sektoru; analize razlika između vlastitog zakonskog okvira i pravne stečevine EU u energetskom sektoru i srodnim oblastima, kao i analize postupaka i procedura u realizaciji projekata OIE kako bi se izradile mape djelovanja na državnom i entitetskom nivou.

- Izrada plana usklađivanja energetske legislative, regulative i administrativnih procedura sa pravnom stečevinom EU;
- Izrada programa poboljšanja efikasnosti rada administracije;

- Izrada vodiča za ulaganja po vrsti obnovljivih izvora;
- Izrada plana edukacije i širenja svijesti o važnosti izgradnje OIE;
- Izrada jedinstvenih, jasnih, detaljnih i nedvosmislenih procedura od početka do kraja realizacije objekta OIE. Neophodno je izvršiti koncentraciju istraživača i stručnjaka iz oblasti OIE formiranjem Instituta ili Centra koji bi radio i na izradi sveobuhvatne baze podataka za strateška planiranja, politike promocije i razvoja OIE, propisa i procedura, ocjene prihvatljivosti projekata za finansijske institucije, kao i izradi strateških studija i valorizacije potencijala OIE po regijama, programima transfera novih tehnologija po oblastima OIE, te promociji OIE i edukaciji javnosti. Političke odluke vezane za državne strategije i sektorske politike trebaju obuhvatati inoviranje i usklađenost tehnoloških, obrazovnih, industrijskih i organizacijskih politika; institucionalnu osposobljenost državne i lokalne uprave za OIE.

Zaduženi: Ministarstvo vanjske trgovine i ekonomskih odnosa, Vanjskotrgovinska komora, te zainteresirana udruženja i organizacije.

Implementacija na lokalnom nivou odnosi se na:

- (i) izradu programa razvoja lokalne zajednice gdje je inkorporirana problematika OIE i EE;
- (ii) izradu vodiča za ulaganja OIE čiji su potpisnici entitetske vlade, što bi dalo povjerenje potencijalnim ulagačima da su procedure odobravanja lokacije, gradnje i upotrebe postrojenja jasne; ovo uključuje nivelaciju i usaglašavanje zakonske regulative; i
- (iii) edukaciju i širenje svijesti na svim nivoima vlasti i života; prenos iskustva u korištenju EU fondova i drugih namjenskih izvora finansijskog pokrića ovih aktivnosti, prevashodno koristeći međunarodne organizacije za finansiranje.





Aktualne i planirane politike vezane uz obnovljivu energiju u BiH

Kako pokrenuti procese izgradnje projekata obnovljivih izvora energije, odnosno, na koji način stvoriti pretpostavke u društvu za prelazak BiH na održivu energiju. Odabrani pristup se mora bazirati na argumentima kako bi se najlakše došlo do prihvatljive energetske transformacije kao strateške odrednice razvoja države, a ne samo kao cilja koji nam je nametnut (npr. kroz EU direktive i/ili međunarodne konvencije) i koji se mora ispuniti. Međutim, problem se često doživljava tako da unaprijed znamo da cilj neće biti dostignut niti energetska transformacija može imati pravi učinak i društvenu korist kao osnovnu odrednicu lokalnog razvoja.

Primjena obnovljivih izvora energije je nužnost koja je opravdana ne samo sa ekonomskog stanovišta, već kao i poticaj za otvaranje novih radnih mjesta konkurentnih i u okvirima EU.

Države koje napreduju bolje od zadanih ciljeva ili od drugih sličnih su one koje su realizaciju primjene obnovljivih izvora energije integrirali u osnove ekonomskog razvoja države, na način što su kompletan svoj razvoj preusmjerile u smjeru održivosti gdje se obnovljivi izvori ne tretiraju kao trošak i cilj koji se treba ispuniti, nego kao dobra prilika za razvoj i transformaciju kompletnog društva.

Obnovljiva energija kroz garantiranu otkupnu cijenu košta građane, ali poticaji za fosilna goriva su veći u odnosu na obnovljive izvore i garantiranu otkupnu cijenu. Investicije u postrojenja na fosilna goriva su i tako nužne s obzirom na starost proizvodnih pogona. Na nama je samo da odlučimo hoćemo li ta ulaganja sistemski koristiti za razvoj održivog i transparentnog energetskeg sistema ili ćemo nastaviti dosadašnjim putem.

Također, moramo svi znati koliko dugo možemo da se ne razvijamo u pravcu poticanja obnovljivih izvora energije i drugih održivih rješenja koja se već primjenjuju i koja su nam kao takva dostupna. Međutim, često javno iskazana pozitivna shvaćanja koja su u skladu sa EU politikama i mogućnostima koje pružaju od akademske i poslovne zajednice izgube se na putu prema konačnom donošenju odluka o takvih strategijama i politikama u BiH.

Trasirani su putevi za izgradnju vrlo značajanih kapaciteta vjetroenergije bez zaduživanja države (600 MW do 2018.); stvaranje lokalnih kompetencija za rad, zapošljavanje određenog broja ljudi i uhadavanje procesa, dakle, zaokruživanje organizacijskog i tehničkog resursa .

Nismo svi svjesni da obnovljiva budućnost nema svoju alternativu i što ćemo ostaviti novim generacijama. Kako razgovarati o održivosti i težnji prema EU Roadmap 2050 i potrebi za razvojem i aktivnim sudjelovanjem u toj novoj industrijskoj revoluciji koja se dešava, kad istovremeno blokiramo izgradnju obnovljive energije. Nužno nam je potrebna šansa za pozitivnom selekcijom u izvršnoj vlasti i samim time za zaokret u politici na tom području, a posebno u kolektivnoj svijesti društva koje bi trebalo konačno shvatiti da je promjena potrebna, ali radikalna promjena.

Stvari se moraju dramatično promijeniti, ne samo u energetici nego i puno šire, kako bi se dala mogućnost da se brzo uklopimo u novu sliku svijeta i pritom da iskoristimo što više svojih potencijala.

autor:

Miralem Čampara, dipl.ing. (Energy 3 d.o.o. Mostar)





UTVRĐEN PRIJEDLOG ZAKONA O DOPUNI ZAKONA O POREZNOJ UPRAVI FBiH

Vlada Federacije BiH je na 12. sjednici održanoj 25.06.2015.godine u Sarajevu, utvrdila i u hitnu parlamentarnu proceduru uputila Prijedlog zakona o dopuni Zakona o Poreznoj upravi FBiH. Cilj dopune je osiguravanje uslova za implementaciju Zakona o finansijskoj konsolidaciji privrednih društava u FBiH i na njemu utemeljenih propisa.

Naime, Zakon o finansijskoj konsolidaciji privrednih društava u FBiH i propisi doneseni na temelju ovog zakona imaju značaj posebnih propisa u odnosu na sve druge koji na teritoriju Federacije BiH uređuju ista pitanja kao opšti propisi. Stoga je neophodno i usaglašavanje Zakona o Poreznoj upravi FBiH kao opšteg propisa.

Dopune Zakona o poreznoj upravi omogućavaju izmirenje dugovanja privrednih društava po osnovi javnih prihoda pod povoljnijim uvjetima.

UTVRĐEN PRIJEDLOG ZAKONA O IZMJENAMA I DOPUNAMA ZAKONA O POMILOVANJU

Vlada Federacije BiH je na 12. sjednici održanoj 25.06.2015.godine u Sarajevu, utvrdila i u hitnu parlamentarnu proceduru uputila Prijedlog Zakona o izmjenama Zakona o pomilovanju.

Na ovaj način omogućena je provedba presude Ustavnog suda Federacije BiH od 8.10.2013. godine, kojom je utvrđeno da dio zakonskog teksta (u člancima 2. i 3.) nije saglasan Ustavu FBiH.

Ova dva člana odnose se na nadležnost predsjednika FBiH da za određena krivična djela utvrđena federalnim zakonom osuđenici može dati pomilovanje, te na davanje pomilovanja osobama koje su ga već dobile po ranije izrečenoj kazni.

UTVRĐEN PRIJEDLOG ZAKONA O IZMJENAMA I DOPUNAMA ZAKONA O PARNIČNOM POSTUPKU

Uzevši u obzir sve činjenice koje ukazuju na određene nejasnoće i nepreciznosti u postojećim zakonskim odredbama, Vlada Federacije BiH je, na inicijativu Federalnog ministarstva pravde, na 12. sjednici održanoj 25.06.2015. godine utvrdila Prijedlog Zakona o izmjenama i dopunama Zakona o parničnom postupku i Parlamentu FBiH ga uputila na usvajanje po hitnom postupku.

Pri njegovoj izradi su u obzir uzete primjedbe i preporuke proizašle iz konkretnih slučajeva u sudskoj praksi, a posebno one koje su se odnosile na neprecizne formulacije pojedinih zakonskih normi koje su dovodile do dvojbi u primjeni i odugovlačenju postupaka. Potreba za



doradom i unapređenjem važećeg zakonskog teksta proizašla je iz njegove višegodišnje primjene, obzirom na to da se kroz duži vremenski interval pokazalo nedostatnim važeće zakonsko rješenje za pojedine životne probleme koji se stavljaju pred sudove, a koji nisu ili su djelimice normirani.

Cilj je postizanje konciznog, sadržajnog i nadasve praktičnog zakonskog rješenja u ovoj oblasti koje će i kvalitativno i kvantitativno unaprijediti rad sudova. Naime, parnični postupak pokriva najmnogobrojniju i najraznovrsniju skupinu životnih situacija koje iziskuju mukotran rad suda prije donošenja pojedinačne odluke.

Prijedlogom izmjena i dopuna u postojeći Zakon je dodano potpuno novo poglavlje pod nazivom „Postupak za rješavanje spornog pravnog pitanja”. Razlozi za uvođenje ovog pravnog instituta su višestruki. Mogućnost da Vrhovni sud FBiH zauzme pravno stajalište o spornom pravnom pitanju koje se pojavi u sporu ili u sporovima pred prvostupanjskim sudom u većem broju predmeta doprinosi, prije svega, pravnoj sigurnosti i jednakosti pred nižim sudovima, a zatim učinkovitosti i ekonomičnosti postupka. Ovaj institut vrlo je sličan preliminarnom postupku pred Evropskim sudom pravde.

USAGLAŠAVANJE TRI ZAKONA SA ZAKONOM O PREKRŠAJIMA

S ciljem usaglašavanja sa Zakonom o prekršajima, Vlada Federacije BiH je na 12. sjednici održanoj 25.06.2015. godine utvrdila i Parlamentu FBiH uputila na usvajanje prijedloge izmjena tri federalna zakona.

Riječ je o Zakonu o uslovima i načinu obavljanja djelatnosti rezanja drveta, Zakonu o prikupljanju, proizvodnji i prometu sekundarnih sirovina i otpadnih materijala, te Zakonu o električnoj energiji u FBiH.



UTVRĐEN PRIJEDLOG ZAKONA O KOMASACIJI

Cilj Zakona o komasaciji, čiji je Prijedlog utvrđen na 12. sjednici Vlade FBiH održanoj 25.06.2015.godine u Sarajevu, jeste stvaranje pravnog okvira za grupiranje zemljišta u cilju stvaranja što većih i pravilnijih parcela radi ekonomičnije obrade, iskorištavanja i njegova uređenja. Komasiciono područje obuhvata, po pravilu, zemljište jedne katastarske općine. Kada ekonomski ili drugi opravdani razlozi zahtijevaju, komasiciono područje može obuhvatiti samo jedan zaokruženi dio ili više katastarskih općina, odnosno njihovih dijelova.

Predmet komasacije su sva poljoprivredna zemljišta na komasijskom području koja čine komasicionu masu. Zemljišta pod kulturom naročite vrijednosti (voćnjaci, vinogradi i slično) mogu biti obuhvaćena komasicijom samo uz suglasnost vlasnika. No, i ona mogu biti obuhvaćena kada se radi o parcelama manjih površina, čije bi isključivanje ometalo pravilno provođenje komasacije ili ako se na tom zemljištu izgrađuju hidromelioracioni objekti ili uređaji. Svaki vlasnik poljoprivrednog zemljišta dobija iz komasijske mase što bolje grupisano odgovarajuće zemljište približno iste ukupne vrijednosti, po mogućnosti istog boniteta, površine i udaljenosti od naselja kakvo je bilo i ono koje je unio u komasicionu masu. O odobravanju komasacije odlučuje općinsko, odnosno gradsko vijeće na čijem se području nalazi zemljište za koje se predlaže komasacija.

ODOBREN UTROŠAK SREDSTAVA FEDERALNOM MINISTARSTVU RAZVOJA, PO- DUZETNIŠTVA I OBRTA

Vlada Federacije BiH je na 12. sjednici održanoj 25.06.2015.godine donijela dvije odluke koje se odnose na aktivnosti Federalnog ministarstva razvoja, poduzetništva i obrta.

U prvom slučaju se radi o usvajanju Programa utroška 2.000.000 Konvertibilnih maraka radi realizacije Progra-

ma "Kreditni poticaj razvoja, poduzetništva i obrta". Ovi poticaji će, putem Razvojne banke FBiH, biti dodjeljivani na period do sedam godina, uz grejs period od dvije godine i kamatnu stopu do dva posto.

Druga današnja odluka odnosi se na usvajanje Programa utroška s kriterijima raspodjele sredstava tekućih transfera utvrđenih Federalnom ministarstvu razvoja, poduzetništva i obrta, a riječ je o iznosu od 5.150.000 KM, koji će korisnicima biti dat kao nepovratna (grant) sredstva.

Od ukupnog iznosa je, između ostalog, za izgradnju poduzetničkih zona planirano 1.000.000 KM, na ime poticaja inovatorima-pojedincima 30.000 KM, za stipendiranje učenika koji se obrazuju za tradicionalne i stare zanate i za deficitarna zanimanja 70.000 KM, za poticaj udruženjima, komorama i obrazovnim institucijama 80.000 KM, za unaprjeđenje institucijske poduzetničke infrastrukture 150.000, a kroz poticaje projekatima koje finansiraju EU i drugi inostrani donatori 120.000 KM.

RAZVOJ METALNOG I ELEKTRO SEKTORA

Vlada FBiH je na 12. sjednici održanoj 25.06.2015. godine usvojila Informaciju Federalnog ministarstva energije, rudarstva i industrije o projektnom zadatku „Strategija razvoja metalnog i elektro sektora Federacije BiH za period 2015.-2025. godina”.

Federalno ministarstvo energije, rudarstva i industrije je zaduženo da, u saradnji s Privrednom komorom FBiH, pristupi izradi ove strategije i da po završetku, a u skladu s važećim propisima i procedurama za izradu strateškog dokumenta, izvijesti Vladu Federacije BiH.

Federalno ministarstvo energije, rudarstva i industrije usvojilo je ranije Program rada za period 2015.-2017. godina. Jedan od strateških ciljeva je unapređenje ambijenta za proizvodnju i povećanje stepena izvozne orijentacije industrijske proizvodnje, a planirana je izrada „Strategije razvoja metalnog i elektro sektora FBiH za period 2015.-2025. godina” u 2015. godini. Također, u 2015. godini planirana je izrada Akcionog plana za realizaciju strategije. U izradi strateškog dokumenta bi trebalo da učestvuju sve zainteresovane strane, kao što su privredna društva, udruženje poslodavaca, sindikati, institucije lokalne zajednice, kantona i Federacije BiH.



IZMJENE I DOPUNE ZAKONA O DOPRINOSIMA

Federalna vlada utvrdila je na 13. sjednici 02.07.2015.godine prijedlog Zakona o izmjenama i dopunama Zakona o doprinosima i uputila ga u parlamentarnu proceduru na usvajanje po hitnom postupku.

Osnovni razlog za ove izmjene je stvaranje pravnog osnova za stimuliranje proizvodnje u niskoakumulativnim djelatnostima kroz olakšice na plaće za zaposlenike u tekstilnoj, kožarskoj i proizvodnji obuće, rudnicima uglja, kao i u tradicionalnim esnafskim zanatima, kako bi ove djelatnosti uz niske troškove plaća zaposlenika bili održivi i konkurentni na tržištu.

Naime, u odredbama dosadašnjeg Zakona bile su propisane olakšice za umanjenju osnovicu za obračun doprinosa koje mogu biti korištene samo ukoliko se isplaćuju najniže plaće (350 KM), pa su se praktički teško mogle koristiti s obzirom na izuzetno nizak propisani prag plaća.

Sada je propisano da povlaštena osnovica za obračun doprinosa bude nešto veća i da, umjesto 25 posto od prosječne plaće, iznosi 30 posto, uz isplaćenu neto plaću koja ne prelazi 60 posto od prosječne mjesečne neto plaće u Federaciji.

Ove izmjene će dovesti do toga da će se za svakog uposlenika plaćati doprinos uvećan za oko 30 KM, što će dovesti do povećanja prihoda fondova od doprinosa u iznosu od oko sedam milijuna KM za godinu. Ocjenjuje se da će ovim izmjenama biti obuhvaćeno oko 20.000 zaposlenika. Ovim zakonom uvode se kao obveznici uplate doprinosa i trgovci pojedinci koji rade na otvorenim pijacama i zatvorenim boksovima, gdje je također propisana povlaštena osnovica za obračun doprinosa u istoj visini olakšica kao i u niskoakumulativnim granama, što će omogućiti prelazak iz neformalne u formalnu ekonomiju.

U ovu grupu sa olakšicama uključeni su i taksi prijevoznici jer su posebnim propisom svrstani u niskoakumulativne djelatnosti i kao porezni obveznici imaju isti tretman kao samostalne djelatnosti tradicionalnih esnafskih zanata.

NACRT ZAKONA O RAZVOJNOM PLANIRANJU

Federalna vlada utvrdila je na 13. sjednici 02.07.2015.godine Nacrt Zakona o razvojnom planiranju i upravljanju razvojem u Federaciji Bosne i Hercegovine.

Ovim zakonom se uređuju ciljevi i načela razvojnog planiranja i upravljanja razvojem Federacije BiH, kantona i jedinica lokalne samouprave, vrste strateških dokumenata, vrste dokumenata neophodnih u postupku primjene strateških dokumenata, tijela odgovorna za razvojno planiranje i upravljanje razvojem. Također se uređuju proces razvojnog planiranja i upravljanja razvojem u Federaciji,

programiranje, monitoring, evaluacija i izvještavanje o implementaciji strateških dokumenata, finansiranje provedbe strateških dokumenata i nadzor nad primjenom ovog zakona.

Uspostava sistema razvojnog planiranja i upravljanja razvojem u Federaciji omogućava transparentno i usaglašeno razvojno planiranje i upravljanje razvojem u Federaciji, kantonima i jedinicama lokalne samouprave, a u interesu je građana Federacije.

USVOJENI PROGRAMI UTROŠKA SREDSTAVA ZA POTICAJE POLJOPRIVREDI I VETERINARSTVU

Vlada FBiH je na 13. sjednici 02.07.2015.godine donijela Odluku o usvajanju Programa utroška sredstava s kriterijima raspodjele sredstava „Subvencije privatnim preduzećima i preduzetnicima - Poticaj za poljoprivredu“ utvrđene Budžetom Federacije BiH za 2015. godinu Federalnom ministarstvu poljoprivrede, vodoprivrede i šumarstva u iznosu od 65.800.000 KM.

Federalno ministarstvo poljoprivrede, vodoprivrede i šumarstva će Programom raspoređena sredstva doznačiti njihovim korisnicima koji su ih dužni koristiti u skladu sa Zakonom o izvršavanju Budžeta FBiH za 2015. godinu, Zakonom o novčanim podrškama u poljoprivredi i ruralnom razvoju i Zakonom o poljoprivredi.

Kontrolu u fazi proizvodnje na terenu potencijalnih korisnika, kao i u toku prikupljanja i obrade dokumentacije vezane za proizvodnju, a prije dostavljanja aplikacije Federalnom ministarstvu, vršit će nadležni poljoprivredni kantonalni inspektori, odnosno, ovlašteni službenici kantonalnih ministarstava, ovlašteni službenici Federalnog ministarstva i federalna poljoprivredna inspekcija u cilju namjenskog utroška sredstava.

Kontrolu proizvodnji, kao i kontrolu nad realizacijom ostalih mjera utvrđenih Programom, uključujući i kontrolu izdate dokumentacije koju dostavlja korisnik, vršit će ovlašteni službenici Federalnog ministarstva i Federalna poljoprivredna inspekcija.

Federalno ministarstvo finansija i Federalno ministarstvo poljoprivrede, vodoprivrede i šumarstva Vlada je zadužila da, sa ciljem obezbjeđenja redovnosti isplata novčanih podrški u poljoprivredi i ruralnom razvoju, pokušaju obezbijediti i postići sporazum s bankama, a u okviru odobrenih budžetskih sredstava.

Danas je usvojen i Program utroška sredstava s kriterijima raspodjele sredstava „Subvencije privatnim poduzećima i poduzetnicima - Poticaj za veterinarstvo“ utvrđen Budžetom FBiH za 2015. godinu u iznosu od 2.500.000 KM. Realizacija ovog programa bit će vršena u zavisnosti od ostvarenih prihoda u Budžetu FBiH, a on obuhvata sredstva predviđena za otkrivanje, suzbijanje i iskorjenjivanje zaraznih bolesti životinja, kao i sredstva nami-



jenjena za kontrolu zdravstvene ispravnosti namirnica animalnog porijekla.

IZMJENA UREDBE O UREĐENJU GRADILIŠTA

Federalna vlada donijela je na 13. sjednici 02.07.2015. godine Uredbu o izmjenama i dopunama Uredbe o uređenju gradilišta, obaveznoj dokumentaciji na gradilištu u učesnicima u građenju.

S ciljem otklanjanja nedostataka po Revizorskom izvještaju za 2014. godinu, izmjenama je preciziran naziv Stručnog odbora za poslove ocjene validnosti dokumentacije neophodne za izdavanje ovlaštenja za obavljanje djelatnosti projektovanja i nostrifikacije investiciono-tehničke dokumentacije za građevine i zahvate iz nadležnosti Federalnog ministarstva prostornog uređenja, kao i naziv Stručnog odbora za poslove ocjene validnosti dokumentacije neophodne za izdavanje ovlaštenja za obavljanje djelatnosti građenja/izvođenja radova za građevine i zahvate iz nadležnosti ovog ministarstva.

Skraćen je rok i za ponovno podnošenje zahtjeva za slučajeve kada je to ovlaštenje oduzeto ili izdavanja novog ovlaštenja. Federalno ministarstvo prostornog uređenja je prihvatilo sugestije stručne javnosti, te skratilo raniji rok od godinu na rok od tri mjeseca od dana oduzimanja ovlaštenja.

O GOSPODARENJU ŠUMAMA U 2014. I PLANOVIMA ZA 2015. GODINU

Vlada FBiH usvojila je na 13. sjednici 02.07.2015.godine Informaciju Federalnog ministarstva poljoprivrede, vodoprivrede i šumarstva o gospodarenju šumama u Federaciji BiH u 2014. godini i planovima gospodarenja šumama za 2015. godinu.

Kantonalnim vladama je preporučeno da poduzmu sve neophodne aktivnosti u cilju potpunog ostvarivanja svih planova po šumskoprivrednim osnovama s posebnim akcentom na ravnomjernu realizaciju plana sječa, biološke obnove šuma, izgradnje šumske infrastrukture i provođenje integralne zaštite šuma, te da putem kantonalnih uprava za šumarstvo prate dinamiku realizacije osnova i o tome izvještavaju Federalnu upravu za šumarstvo.

Svi korisnici šuma su obavezani na ravnomjernu realizaciju svih planova gospodarenja šumama propisanih šumsko-privrednim osnovama, a posebno planova šumsko-uzgojnih radova i planova izgradnje šumske infrastrukture.

U cilju prevazilaženja teškog stanja u oblasti šumarstva izazvanog nepostojanjem zakona o šumama, Vlada Federacije BiH će ubrzati proceduru donošenja novog zakona o šumama i njegovog usvajanja po hitnom postupku u

Parlamentu Federacije BiH.

Federalnoj upravi za inspekcijske poslove je naloženo da u saradnji s kantonalnim inspekcijama, kantonalnim upravama za šumarstvo i nadležnim ministarstvima unutrašnjih poslova, pojača inspekcijski nadzor u oblasti šumarstva, prometa i prerade drveta.

Informacija o gospodarenju šumama u Federaciji BiH u 2014. godini i planovima gospodarenja šumama za 2015. godinu, sa Zaključcima Vlade Federacije BiH, bit će proslijeđena vladama kantona.

IZMJENE I DOPUNE UREDBE O USAVRŠAVANJU

Vlada Federacije BiH je na 11.sjednici održanoj 18.06.2015.godine izmijenila i dopunila Uredbu o usavršavanju predsjednika i članova nadzornih odbora i uprava privrednih društava sa učešćem državnog kapitala.

Na ovaj način je predsjednicima i članovima nadzornih odbora i uprava ovih privrednih društava, čiji je mandat u toku, kao i osobama koje su kandidati za izbor i imenovanje na ove dužnosti, u postupcima koji nisu okončani do dana stupanja na snagu ove uredbe, propisano da su dužni završiti usavršavanje do 30.6.2016. godine. Dosadašnji krajnji rok za završetak usavršavanja bio je 31.3.2014. godine.

Oni koji ne završe obuku do 30.6.2016. godine, dužni su podnijeti ostavku do 15.7.2016. godine.

SAGLASNOST NA PREDNACRT REFORMSKE AGENDE ZA BiH

Vlada Federacije BiH je na 10. sjednici održanoj 09.06.2015.godine u Sarajevu, dala saglasnost na Prednacrt reformske agende za Bosnu i Hercegovinu, te za potpisivanje ovog dokumenta ovlasila federalnog premijera. Federalna vlada je, dakle, prva u BiH koja je usvojila Reformsku agendu koja je na tragu britansko-njemačke inicijative.

Reformska agenda utvrđuje glavne planove Vijeća ministara BiH i entitetskih vlada za socijalno-ekonomske i s njima vezane reforme. O prioritetima reforme razgovarano je na sastanku održanom na Jahorini 11. maja 2015. godine s međunarodnim finansijskim institucijama (MFI) i EU, a namjena Agende je da reflektuje zaključke koji su doneseni tom prilikom. Reforme bi, također, mogle predstavljati osnovu za pregovaranje o pojedinim programima finansijske i tehničke pomoći od MFI i EU.



Pored toga, Reformska agenda je tijesno usklađena s ciljevima novog pristupa Evropske unije i u skladu je s Programom ekonomske reforme kao fundamentalnim elementom za stimulisanje sveobuhvatnih strukturnih reformi u cilju održavanja makroekonomske stabilnosti i podsticanja rasta i konkurentnosti.

Implementacija Reformske agende će odmah početi. Veliki set srednjoročnih prioriteta sažet je u set specifičnih inicijalnih mjera koje će biti pripremljene i implementirane do kraja 2015. godine i početka 2016. godine.

Reformska agenda odnosi se na šest oblasti: javne finansije, oporezivanje i fiskalna održivost, zatim poslovni ambijent i konkurentnost, tržište rada, reforma socijalne zaštite i penzijskog osiguranja, vladavina zakona i dobro upravljanje, te reforma javne uprave.

O OBAVEZAMA FEDERALNIH ORGANA U PROCESU EUROPSKIH INTEGRACIJA

Vlada Federacije BiH prihvatila je na 10. sjednici održanoj 09.06.2015.godine Nacrt prijedloga institucija Bosne i Hercegovine za Izvještaj o napretku za 2015. godinu i Informaciju o aktivnostima Ureda Vlade Federacije BiH za evropske integracije u procesu njegove izrade. Vlada je zadužila sve federalne ministre i rukovodioce federalnih uprava i federalnih upravnih organizacija da osiguraju preduslove za prioritarno izvršavanje svih obaveza proisteklih iz procesa evropskih integracija.

Prihvaćene su preporuke i pitanja Evropske komisije sa šestog sastanka Pododbora između Evropske unije i Bosne i Hercegovine koje se odnose na slobodno kretanje robe, industrijsku politiku i mala i srednja preduzeća, trgovinu, carine i oporezivanje, te saradnju s drugim zemljama kandidatima. S tim u vezi, zaduženi su svi nadležni federalni organi da, u što kraćem roku, poduzmu sve neophodne aktivnosti na ispunjenju preuzetih obaveza, te da do 29. juna 2015. godine Uredu Vlade Federacije BiH za evropske integracije dostave dodatna pojašnjenja na pitanja Evropske komisije.

Vlada je prihvatila i zaključke i preporuke Evropske komisije sa sastanka Pododbora Evropske unije i Bosne i Hercegovine koji se odnose na ekonomska i finansijska pitanja, javnu unutrašnju kontrolu i reviziju, te statistiku. Zaduženi su svi nadležni federalni organi da, u najkraćem roku, dostave dodatna pojašnjenja na pitanja, kao i druge informacije koje zahtijeva Evropska komisija, a Ured Vlade FBiH za evropske integracije će ta pojašnjenja i odgovore dostaviti sekretaru Pododbora.

RAZMATRAN PROGRAM RADA VLADE FBiH ZA MANDATNI PERIOD 2015. - 2018.

Program rada Vlade Federacije BiH za mandatni period od 2015. do 2018. godine, razmatran je na 10. sjednici održanoj 09.06.2015.godine u Sarajevu. Kao polazna osnova su poslužili ekspozice premijera FBiH i dokument „Koncept ekonomskog razvoja 2014. - 2018. - Ekonomski rast i zapošljavanje“, koji je razmatran na prvoj sjednici Vlade FBiH.

U pripremi Programa rada Vlade FBiH korišten je i Nacionalni program ekonomskih reformi BiH za 2015. godinu, čija izrada proizlazi iz zahtjeva Evropske komisije prema Bosni i Hercegovini. Na osnovu Programa rada Vlade, federalna ministarstva i institucije će, u svojim godišnjim planovima rada, planirati aktivnosti na implementaciji ciljeva i mjera utvrđenih ovim dokumentom. Nakon rasprave, Vlada je zadužila Federalni zavod za programiranje razvoja da u mandatni Program rada ugradi primjedbe i prijedloge federalnih ministarstava. Također, Program treba da odražava i elemente zacrtane u Reformskoj agendi za Bosnu i Hercegovinu.

PRIPREMITI NACRT ZAKONA O ŠUMAMA

Vlada Federacije BiH usvojila je na 10. sjednici održanoj 09.06.2015.godine Informaciju Federalnog ministarstva poljoprivrede, vodoprivrede i šumarstva o stanju u oblasti šumarstva u cilju žurnog donošenja zakona o šumama, te formirala Radnu skupinu, koju čine stručnjaci iz ove oblasti, kako bi pružila pomoć ovom ministarstvu u pripremi teksta Nacrta zakona o šumama.

Federalno ministarstvo poljoprivrede, vodoprivrede i šumarstva zaduženo je da, uz stručnu pomoć Radne skupine i u suradnji s kantonalnim ministarstvima nadležnim za poslove šumarstva, Savezom općina i gradova Federacije BiH, šumskogospodarskim društvima, znanstvenim i drugim nadležnim institucijama što žurnije pripremi i





Vladi Federacije BiH na razmatranje i daljnju proceduru dostavi tekst Nacrta zakona o šumama.

Nakon utvrđivanja Prijedloga zakona o šumama, Vlada će ga uputiti Parlamentu FBiH na razmatranje i usvajanje po žurnom postupku.

**UREDBA O VRŠENJU OVLAŠTI U
PRIVREDNIM DRUŠTVIMA
SA UČEŠĆEM DRŽAVNOG
KAPITALA IZ NADLEŽNOSTI FBiH**

Vlada FBiH je na 9. sjednici održanoj 04.06.2015.godine donijela Uredbu koja uređuje vršenje ovlasti na osnovu učešća državnog kapitala u privrednim društvima iz nadležnosti Federacije BiH, upravni i nadzor nad općim aktima i posebne odredbe o postupku u registrima.

U ovim privrednim društvima ovlaštenja na osnovu učešća državnog kapitala vrši Vlada Federacije BiH, neposredno ili putem federalnih organa uprave (federalnih ministarstava i federalnih uprava) i federalnih upravnih organizacija. Ovlaštenja koja neposredno vrši Vlada su učešće u radu i odlučivanju skupštine, izbor i nominiranje kandidata za imenovanje članova nadzornih odbora i razrješenje dužnosti članova nadzornih odbora prije isteka mandata, te davanje saglasnosti za imenovanje članova uprava i razrješenje dužnosti članova uprava prije isteka mandata.

Vlada FBiH putem federalnih organa uprave i federalnih upravnih organizacija vrši poslove evidentiranja, upravnog i nadzora općih akata, praćenje rada i monitoring, uz obavezu podnošenja izvještaja federalnih organa uprave i federalnih upravnih organizacija Vladi Federacije.

Listu privrednih društava u kojima vrši ovlaštenja na osnovu učešća državnog kapitala iz nadležnosti Federacije utvrđuje Vlada FBiH, a listom se zadužuju federalni organi uprave i federalne upravne organizacije za praćenje rada, vršenje nadzora i podnošenje izvještaja Vladi za svako privredno društvo sa učešćem državnog kapitala iz nadležnosti FBiH.

Praćenje rada, upravni nadzor, nadzor nad općim aktima, monitoring i podnošenje izvještaja Vladi FBiH nad tim privrednim društvima vrše federalna ministarstva:

energije, rudarstva i industrije, poljoprivrede, vodoprivrede i šumarstva, finansija, trgovine, prometa i komunikacija, okoliša i turizma, te kulture i sporta.

Stupanjem na snagu ove uredbe, poništavaju se svi raspisani konkursi i oglasi za utvrđivanje prijedloga kandidata u ime državnog kapitala za članove nadzornih odbora u privrednim društvima u kojima federalna ministarstva vrši ovlaštenja po osnovu učešća državnog kapitala, a za imenovanja za koja nije data prethodna saglasnost Vlade FBiH.

Uredba je usvojena većinom glasova članova Vlade FBiH, uz glasove protiv sva tri prisutna ministra iz Demokratske fronte.

**UTVRĐEN NACRT ZAKONA O IZMJENAMA
ZAKONA O FINANSIJSKOJ KONSOLIDACIJI
RUDNIKA UGLJA U FBiH PREMA OBRAČUNATIM
A NEUPLAĆENIM JAVNIM PRIHODIMA
U PERIODU OD 2009. DO 2015. GODINE**

Vlada FBiH je na 8. sjednici 02.06.2015.godine utvrdila i Parlamentu FBiH uputila Nacrt zakona o izmjenama Zakona o finansijskoj konsolidaciji rudnika uglja u FBiH prema obračunatim a neuplaćenim javnim prihodima u periodu od 2009. do 2015. godine, a razlog je preciziranje pojedinih stavku u njegovom tekstu.

Kako je obrazloženo, u Zakonu je, u pregledu stanja obaveza na dan 31.12.2008. godine, za Rudnik "Kreka", umjesto stvarnog duga rudnika koji za PIO iznosi 57.049.715,39 KM iskazan ukupan dug od 59.518.612,10 KM, a za porez na plaću je umjesto stvarnog duga od 8.438.929,08 KM iskazan ukupan dug od 8.556.750,32 KM.

Pored ispravke ove tehničke greške, izmjenom Zakona je verifikovan stvarni dug za rudnike "Banovići", "Kakanj" i "Tušnica" po osnovu doprinosa za PIO i poreza na plaću.

Pripremila: Amela Kečo, dipl. prav.



Stupio na snagu Sporazum o stabilizaciji i pridruživanju između BiH i EU



Sporazum o stabilizaciji i pridruživanju (SSP) između EU i Bosne i Hercegovine (BiH) stupio je na snagu 1. juna ove godine. On uspostavlja blisko partnerstvo između EU i BiH, te produbljuje političke, ekonomske i trgovinske veze između dvije strane sporazuma. Od sada će SSP biti glavni okvir koji uređuje odnose između EU i BiH, sa ciljem da dodatno pripremi zemlju za buduće članstvo u EU. Time je Bosni i Hercegovini potvrđen status potencijalnog kandidata za članstvo u EU. Aktivacijom sporazuma deblokiran je evropski put BiH koji će u narednim mjesecima zavisiti od napretka u provođenju reformi.

Sporazum o stabilizaciji i pridruživanju predstavlja ugovorni odnos kojim je omogućen viši stepen saradnje i izgradnje čvršćih odnosa na svim nivoima između EU i BiH. Sporazum će konkretnije nadograditi odnose između EU i BiH kroz uspostavu namjenskog institucionalnog okvira, odnosno, Vijeća za SSP, zatim Odbora i sektorskih pododbora SSP-a, a biti će uspostavljen i Parlamentarni odbor za SSP između Evropskog parlamenta i Parlamentarne skupštine BiH.

Sporazum predstavlja i pravila o slobodnoj trgovini između BiH i EU, od kojih će BiH imati koristi, jer će bh. kompanije dobiti pristup unutrašnjem tržištu EU sa blizu 500 miliona potrošača. Također, bh. kompanije moći će pružati usluge širom EU i takmičiti se za javne ugovore. SSP će također doprinijeti progresivnom usklađivanju bh. standarda i zakonodavstva sa zakonodavstvom EU, od čega će građani BiH imati vidljivu korist kroz kvalitetnije, zdravije i sigurnije proizvode. Stupanjem na snagu Sporazum će povećati i povjerenje domaćih i stranih investitora u zemlji. To će našim firmama omogućiti pristup tržištu EU, a preduzećima iz EU tržištu BiH, što će stvoriti uvjete za bolje poslovne mogućnosti svih poslovnih subjekata iz EU i BiH, te potaknuti privredni rast i zapošljavanje. Dio u pogledu trgovine je već stupio na snagu 1. jula

2008. godine, u okviru Privremenog sporazuma.

Osnovne prednosti Sporazuma o stabilizaciji i pridruživanju za BiH su:

- približavanje standardima EU za kvalitet proizvoda, što će dovesti do veće konkurentnosti bh. proizvoda i privatnog sektora
- postepeno uvođenje viših standarda zaštite potrošača, što će dovesti do povećane sigurnosti BiH potrošača
- veća konkurentnost na tržištu, što će potencijalno dovesti do snižavanja cijena i većeg izbora robe i usluga za građane BiH
- bolje predvidljivo poslovno okruženje zbog postepenog približavanja EU zakonima i standardima, što će dovesti do veće sigurnosti i povjerenja za domaće i strane ulagače
- veća učinkovitost institucija
- više napretka na glavnim pitanjima, kao što je smanjenje stope zločina i korupcije, promovisanje reforme visokog obrazovanja, razvoj demokratije i ljudskih prava, promovisanje nezavisnosti medija i unapređenje transportne infrastrukture.

Prvi sastanak Vijeća za stabilizaciju i pridruživanje treba biti održan u drugoj polovini 2015. godine.

Tekst SSP nalazi se na web-stranici Delegacije Evropske unije u Bosni i Hercegovini: http://europa.ba/documents/delegacijaEU_2011121405063686eng.pdf

pripremila: Lejla Sadiković dipl.ing.maš



22. generalni BH sajam

22nd General BH Fair



ZEPS

Zenica, 6. 10 - 10. 10. 2015.

www.zeps.com

bh proizvod

Novo
pakovanje

VISPAK

Tajna

Dodatak jelima s povrćem
 food additive with vegetables

Bosanska
kuhinja®



Serving size 3 g • Servings Per Container 166

Energy	Fat	Saturated	Sugars	Sodium
9kJ 2 kcal	0g 0%	0g 0%	0,5g 0,5%	793mg 33%

Percent Daily Values are based on a diet of 2,500 calories a day.

Neto
500 g
17.6 oz

Bosanska
kuhinja®

Staro
pakovanje

VISPAK®



Tajna bosanske kuhinje

Vita začín
u NOVOM praktiçnom
ZIP pakovanju
i sa novim imenom.
Tajna Bosanske
kuhinje je u Tajni.

